

四庫全書

經部

欽定四庫全書

經部

詩經疏義會通卷十二

詳校官監察御史<sub>臣</sub>盛嘉祐

通政使司副使<sub>臣</sub>莫瞻菴覆勘

總校官編修<sub>臣</sub>倉聖脉

校對官典簿<sub>臣</sub>劉景岳

謄錄監生<sub>臣</sub>龔輝遠

欽定四庫全書

詩經疏義會通卷十二

元朱公遷撰

小旻之什

旻天疾威敷于下土謀猶回適

音聿

何日斯沮

在舉反

謀臧

不從不臧覆用

叶于封反

我視謀猶亦孔之邛

其凶反

賦也旻幽遠之意敷布猶謀回邪適僻沮止臧善覆

又邛病也○大夫以王惑於邪謀不能斷

丁貫反

以從

善而作此詩言旻天之疾威布于下土使王之謀猶

邪僻無日而止謀之善者則不從而其不善者反用

之故我視其謀猶亦甚病也

違善從惡所以為邪僻之謀而視之使人甚病

也慶源輔氏曰邪亂之世庸暗之君謀猶邪僻無日而沮止者故無所歸咎而歸之天也

○渝渝

許急反

訛訛

音紫

亦孔之哀

叶於希反

謀之其臧則具是

違謀之不臧則具是依我視謀猶伊于胡底

之履反叶都黎反

賦也渝渝相和

去聲也

訛訛相詆也

面相和而背相詆也

具俱底

至也○言小人同而不和其慮深矣

陽與而陰排之深為自全之計

也輯錄謝氏曰習俗如此亦甚可哀

然於謀之善者則違之其不善者

則從之

輯錄此即謀臧不從不臧覆用也

亦何能有所定乎

以上二章言其

惑於邪謀如此蓋無聽言之明而用捨不當也然上章專責其君此章并責其臣

○我龜既厭不我告猶

叶于反

謀夫孔多是用不集

韓詩作就

叶疾反發言盈庭誰敢執其咎

叶巨反

如匪行邁謀是用不

得于道

叶徒候反

賦也集成也○卜筮數

音朔

則瀆而龜厭之故不復告

其所圖之吉凶

增釋易曰再三瀆瀆則不告謂求筮之意煩數不能誠一則瀆慢矣故不

告也謀夫衆則是非相奪而莫適

音嫡所從

輯錄輔氏曰洪範云謀及

卜筮夫謀貴乎博故謀及卿士謀及庶民蓋彼之所  
以謀不過盡衆人之情而主之者則一人而已而此  
之所謂謀夫則  
是各主其謀也故所謀終亦不成蓋發言盈庭各是

其是無肯任其責而決之者猶不行不邁而坐謀所

適謀之雖審而亦何得於道路哉

輯錄孔氏曰謀而  
不行則於道不進

言而無決則  
於事不成

○哀哉爲猶匪先民是程匪大猶是經維邇言是聽

叶平

聲

維邇言是爭

叶側  
徑反

如彼築室于道謀是用不潰于成

賦也先民古之聖賢也程法猶道

輯錄通釋曰詩中  
猷猶字通用故前

章猶訓謀此訓道而徽猷與秩秩大猷又皆作猷亦訓道經常潰遂也○言哀哉

今之為謀不以先民為法不以大道為常其所聽而爭者皆淺末之言以是相持如將築室而與行道之

人謀之人人得為異論其能有成也哉古語曰作舍

道邊三年不成

輯錄東漢博士曹褒請著漢禮班固以為宜廣集諸儒共議得失章帝曰

謗言云云會禮之家名為聚訟互生疑異筆不得下昔堯作大章一夔足矣

蓋出於此

以上

二章言其不能斷以從善又如此蓋無聽言之明而用捨不決也

○國雖靡止或聖或否

方九反叶捕美反

民雖靡盬

火吳反

或哲

或謀

叶莫徒反

或肅或艾

音又

如彼泉流無淪胥以敗

叶蒲寐反

賦也止定也聖通明也臚大也多也艾與又同洽也

淪陷胥相也○言國論雖不定然有聖者焉有否者

焉

或聖或否言是非明著可見也

民雖不多然有哲者焉有謀者焉

有肅者焉有艾者焉但王不用善則雖有善者不能

自存將如泉流之不反而淪胥以至於敗矣

能別聖否則不

惑邪謀矣能用哲謀肅艾則是斷以從善矣不然則邪謀之致敗也必矣

聖哲謀肅艾即

洪範五事之德

聖人之德五者咸備此則人各有其一德耳

豈作此詩者



亦傳箕子之學也與

五事之德各一其德也但此章既以聖否對言然後詳數哲謀

肅艾則聖之一德足以兼乎四者矣又通而智則謀無不審嚴而治則謀無不定故聖哲居謀之前肅艾居謀之後詩意蓋以謀為主故其序亦與書不同也書之序肅艾哲謀聖蓋以五行為序耳輯錄蔡氏傳曰貌言視聽思五事之序恭從明聰睿五事之德肅艾哲謀聖五德之用與集傳亦不同

○不敢暴虎不敢馮

皮冰反

河人知其一莫知其他

湯河反

戰戰兢兢如臨深淵

叶一均反

如履薄冰

賦也徒搏曰暴徒涉曰馮如馮几然也戰戰恐也兢兢戒也如臨深淵恐墜也如履薄冰恐陷也○衆人

之慮不能及遠暴虎馮河之患近而易見則知避之  
喪國亡家之禍隱於無形則不知以為憂也故曰戰  
戰兢兢如臨深淵如履薄冰懼及其禍之詞也惟其惑之  
而不知不斷之為害也故詩人危之如此上章以其  
不明不決而憂禍不可救此章以其不明不決而恐  
禍不可避也

小旻六章三章章八句三章章七句

增釋許氏曰一章言君邪

僻不用善謀而用不臧二章言臣阿比共違善  
謀而從不臧一章之謀猶君之謀猶也二章之  
謀猶臣之謀猶也一章謀臧之謀指臣之謀二  
章謀之之謀指衆人之謀也三章又言臣無有

任責而決衆謀四章又言君臣不法古而無遠慮五章言天下未嘗無才但不能用之則望望而去六章言為國者當於事未形者戒謹恐懼以終之

蘇氏曰小旻小宛小弁小明四詩皆以小名篇

所以別

必列反

其為小雅也其在小雅者謂之小

故其在大雅者謂之召旻大明獨宛弁闕焉意

者孔子刪之矣雖去

上聲

其大而其小者猶謂之

小蓋即用其舊也

宛

於阮反

彼鳴鳩翰

胡旦反

飛戾天

叶鐵因反

我心憂傷念昔先

人明發不寐有懷二人

興也宛小貌鳴鳩班鳩也

輯錄陸氏曰似翰羽戾至鵲鳩項有繡文

也明發謂將旦而光明開發也二人父母也○此大

夫遭時之亂而兄弟相戒以免禍之詩故言彼宛然

之小鳥亦翰飛而至于天矣則我心之憂傷豈能不

念昔之先人哉

鳴鳩雖小而戾天努力然也父母之賢雖不可及亦努力追及之爾此皆

勉強以求其至者物既皆然是以明發不寐而有懷

乎父母也

及不寐有懷正可以見努力追及之意前二句興後四句也言此以為相

戒之端

不及其親則遭禍而辱其親矣是以念欲及之而有懷甚切也 增釋許氏曰此章宛彼

鳴鳩本不能高舉今乃能飛戾于矢矣以興人皆可學而進其德也父母之賢晝夜思以效之

○人之齊聖飲酒溫克彼昏不知壹醉日富

叶筆力反

各敬

爾儀天命不又

叶夷益反

賦也齊肅也聖通明也克勝也富猶甚也又復

扶又反

也○言齊聖之人雖醉猶溫恭自持以勝

輯錄解頤曰整肅者

必不以酒而喪儀通明者必不以酒而敗德此所以能溫恭自持以勝也

所謂不為酒困

也彼昏然而不知者則一於醉而日甚矣

輯錄一專也專務酣

飲也於是言各敬謹爾之威儀

此篇以敬威儀為主溫克能敬者也昏而不能

敬者也一善一惡可以為勸戒矣

天命已去將不復來不可以不恐

懼也

敬則天命在我矣

時王以酒敗德臣下化之故此兄弟

相戒首以為說

輯錄輔氏曰昏亂於酒則必自喪其威儀故相戒各自敬謹我身之威儀

天命不又蓋言不可恃天之常如此會有禍亂生也人能敬我身之威儀則能敬天矣天豈在外哉此義

精矣

○中原有菽

音叔

庶民采之

叶此禮反

螟蛉

音冥

蛉

音零

有子螺

音果

贏

力果反

負

叶蒲美反

之教誨爾子式穀似之

叶養里反

之

興也中原原中也菽大豆也螟蛉桑上小青蟲也似

步屈螺贏土蜂也似蜂而小腰取桑蟲負之於木空

上聲

中七日而化為其子

輯錄釋文曰螺贏即細腰蜂本草注雖名土蜂不就土中

為窟謂褊土作房耳細腰物無雌皆取青蟲教祝變成已子嘗拆窠而視之亦生子如半粟米大所負蟲

却在子下褊音璉祝音咒

式用穀善也

○中原有菽則庶民采之

矣

言民皆可采也

以興善道人皆可行也螟蛉有子則螺贏

負之以興不似者可教而似也教誨爾子則用善而

似之可也

似之者使之似已也○此章既以其可公共之理為興又以其可變化之理為興

善也似也終上文兩句所興而言也

穀所以終乎菽之興似所以終

負蟬蛉之興

戒之以不惟獨善其身又當教其子使為善

也

教其子使為善亦敬威儀而已輯錄解頤曰善其身所以繼先人也教其子所以繼吾身也物之在

外也猶可采而有之況性善本吾身之所有乎物之不似也猶可負而化之況子之性亦吾之性乃其本似者乎為此詩者其於保身於教子可謂兩得矣

○題

大計反

彼脊令

音零

載飛載鳴我日斯邁而月斯征夙

興夜寐無忝爾所生

叶桑經反

興也題視也脊令飛則鳴行則搖載則而汝忝辱也



○視彼脊令則且飛而且鳴矣我既日斯邁則汝亦

月斯征矣

漢東方朔傳云日夜孳孳敏行而不怠譬如脊令飛且鳴矣愚謂飛而且鳴用力為

甚努力進善亦猶是也此亦以勉強勤勞之意為興輯錄謝氏曰當如日斯邁如月斯征無一時不勤可

也言當各務努力不可暇逸取禍恐不及相救恤也

夙興夜寐各求無辱於父母而已

努力以求無辱其親亦曰敬威儀而

已此申首章及二章之意輯錄解頤曰脊令之且飛且鳴其勢之不能以已也我兄弟之日邁月征亦其情之不能以已也夙興夜寐各務努力以求無忝於先人可也天之密運聖人之不已君子之自強皆此意也而此詩及之其亦有得於聖賢之學也歟

○交交桑扈

音戶

率場啄粟哀我填

都田反

寡宜岸宜獄握

粟出卜自何能穀

興也交交往來之貌桑扈竊脂也俗呼青醬肉食不

食粟

輯錄孔氏曰俗呼青雀喜盜脂膏食之因以名云埤雅曰桑扈有二種青質者背曲食肉好盜

脂膏素質者其翅與領皆有文章所謂率場啄粟有驚其羽者也呂東萊曰淮南子云馬不食脂桑扈不

食填與瘕同病也岸亦獄也韓詩作犴鄉亭之繫曰

犴朝廷曰獄

輯錄亭道路所舍也犴犴同胡地野犬也所以守者故謂獄為狴犴

○扈

不食粟而今則率場啄粟矣病寡不宜岸獄今則宜

岸宜獄矣

此以受所不堪受者為興

言王不卹鰥寡喜陷之於刑

辟

音關也所謂我心憂傷者此故也

然不可不求所以自善之道故

握持其粟出而卜之曰何自而能善乎

所以自善之道亦曰敬威

儀而已然又憂不能決而決之於卜也

言握粟以見其貧窶之甚

此章又中

敬爾儀之意

○溫溫恭人如集于木惴惴

之瑞反

小心如臨于谷戰戰

兢兢如履薄冰

賦也溫溫和柔貌

輯錄謝氏曰溫溫而恭者謙和之人也惴惴而小心者畏謹之人也

如集于木恐墜

音墜

也如臨于谷恐隕也

如彼溫恭者則如集于木也

彼小心者則如臨于谷也賢者之敬其威儀如此我之戰兢得不然哉此章又以終敬爾儀之意輯錄鄭氏曰哀亂之世賢人君子雖無罪猶恐懼如此

小宛六章章六句

首章念父母以發相戒之端二章敬爾儀以示相戒之實三章

言爾當教子以此敬四章言我之與爾當日就月將於此敬五章言時事如此已不可以不敬六章言賢者如此已不可以不敬

此詩之詞最為明白而意極懇至說者必欲為刺王之言故其說穿鑿破碎無理尤甚今悉改

定讀者詳之

增釋許氏曰此詩遇亂而戒兄弟脩德以免禍脩德當法其親免禍

則謹其德前四章脩德之事後二章免禍之意

弁

薄干反

彼鷖

音豫斯叶先

歸飛提提

是移反

民莫不穀我獨

于罹何辜于天我罪伊何心之憂矣云如之何

興也弁飛拊翼貌鷖雅鳥也

雅與鴉同

小而多羣腹下白

江東呼為鴨

疋又音卑

鳥

輯錄爾雅鷖斯鴨鴈詩詁曰既曰雅又曰鳥語似重複今定以

鷖卑居也卑居雅也雅即鳥也有數種

斯語詞也提提羣飛安閒之貌

穀善罹憂也○舊說幽王太子宜臼被廢而作此詩

言弁彼騫斯則歸飛提提矣民莫不善而我獨于憂

則騫斯之不如已

物得自如人不  
如物故以起興

何辜于天我罪伊

何者怨而慕也

輯錄怨咎已之不  
得其親而思慕也

舜號泣于旻天曰

父母之不我愛於我何哉蓋如此矣心之憂矣云如

之何則知其無可柰何而安之之詞也

怨之之詞相  
似慕之之心

又同故集傳本諸孟子而以此證之輯錄解頤曰民  
莫不穀謂其皆有父子之親兄弟之懿也我獨于罹  
謂得罪於父則母子兄弟之間皆不能以保其樂也  
子以父為天父之不吾愛即天之不吾與也何辜于  
天我罪伊何自責不知已有何罪而不見愛於父也  
心之憂矣云如之何此詩本叙其哀痛迫切之情故

以憂之一字為一篇之綱領下章凡七言之

○ 踧踧

徒歷反

周道

叶徒苟反

鞠

九六反

為茂草

叶此苟反

我心憂傷

惄

乃歷反

馬如擣

丁老反叶丁口反

假寐永嘆維憂用老

叶魯口反

之憂矣疾

丑覲反

如疾首

興也踧踧平易

去聲

也周道大道也鞠窮

窮塞也謂廢塞而不用也

惄思擣春也不脫衣冠而寐曰假寐疾猶疾也○踧

踧周道則將鞠為茂草矣我心憂傷則惄馬如擣矣

平易之路一或塞之則生草憂傷之事一或念之則痛心是皆先事而致慮之之意且以一廢一舉相對

也精神憤

古對反

眊至於假寐之中而不忘永歎憂之

之深是以未老而老也

輯錄年少而容貌老也

疾如疾首則又

憂之甚矣

輯錄謝氏曰怒馬如擣深悲至痛如有物之擣其心也事關心者夢中亦長吁故曰

假寐永歎憂愁多者年少而髮白故曰維憂用老解頤曰此章憂之一字凡三言之怒馬如擣憂之而至於痛也維憂用老憂之而至於哀也疾如疾首憂之而至於病也

○維桑與梓

叶樊里反

必恭敬止靡瞻匪父靡依匪母

叶滿彼反

不屬

音燭

于毛不離于裏天之生我我辰安在

叶此里反

興也桑梓二木古者五畝之宅

輯錄廬井邑居各二畝半以為宅也樹



之牆下以遺

去聲

子孫給蠶食具器用者也瞻者尊而

仰之依者親而倚之屬連也毛膚體之餘氣末屬也

離麗

輯錄附也

也裏心腹也辰猶時也○言桑梓父母所

植尚且必加恭敬況父母至尊至親宜莫不瞻依也

此以情愛輕重相對而為興

然父母之不我愛豈我不屬於父母

之毛乎豈我不離于父母之裏乎無所歸咎則推之

於天曰豈我生時不善哉何不祥至是也

首章與此章皆怨而

慕也但首章有控告之意此章有痛切之懷輯錄謝氏曰父母不我愛求其說而不可得曰不知天生我

之時果在何歟  
不可得而知也

○菟

音鬱

彼柳斯鳴蜩

音條

嘒嘒

呼患反

有淮

于罪反

者淵萑

音九

葦

韋鬼反

淠淠

孚計反

譬彼舟流不知所居

音戒叶居氣反

心之憂

矣不遑假寐

興也菟茂盛貌蜩蟬也嘒嘒聲也淮深貌淠淠

當易匹詰

反衆也屈至遑暇也○菟彼柳斯則鳴蜩嘒嘒矣有

淮者淵則萑葦淠淠矣今我獨見棄逐如舟之流于

水中不知其所至乎

物類相容則有可止息之處我不見容則如人所不用之

舟而無可止息之處矣  
此以人不如物而起興  
是以憂之之深昔猶假寐而  
今不暇也

○鹿斯之奔維足伎伎

其宜反

雉之朝雉

音邁

尚求其雉

千叶

西反譬彼壞

胡罪反

木疾用無枝心之憂矣寧莫之知

興也伎伎舒貌宜疾而舒留其羣也

留猶顧也

雉雉鳴也

壞傷病也寧猶何也○鹿斯之奔則足伎伎然雉之

朝雉亦知求其妃

音配

匹

惟錄雉鳴

蘓氏曰鹿走而留其羣而求其雌物無不有思

於其親者今王獨棄其子何哉

今我獨見棄逐如傷病之木樵悴而

無枝

物相顧念則有可生全之理我既不見顧念則如生意所不及之木而無可生全之理矣亦以

人不如物起與是以憂之而人莫之知也

○相

息亮反

彼投兔尚或先

蘇薦反叶蘇晉反

之行有死人尚或

瑾

音覲

之君子秉心維其忍之心之憂矣涕既隕

音蘊之

興也相視投奔行道瑾埋秉執隕墜也○相彼被逐

而投人之兔尚或有哀其窮而先脫之者道有死人

尚或有哀其暴

步木反

露而埋藏之者蓋皆有不忍之

心焉今王信讒棄逐其子魯視投兔死人之不如則

其秉心亦忍矣

以不忍之心興忍心又以待至親不如待疎賤起興也

是以心

憂而涕墮也

五章以前多為自怨之詞以怨已此及下章則雖自怨而實怨其親矣

○君子信讒如或疇

市由反叶市救反

之君子不惠不舒究之

伐木椅

寄彼反叶居何反

矣析薪杙

敕氏反叶湯何反

矣舍

音捨彼有罪

予之佗

吐賀反叶湯何反

矣

賦而興也疇報惠愛舒緩究察也椅倚也以物倚其

巔也杙隨其理也佗加也○言王惟讒是聽如受疇

爵得即飲之

輯錄孔氏曰疇酬古字通用此喻得讒即授而行之如旅酬也

曾不加

惠愛舒緩而究察之

輯錄解頤曰不加愛是無復惻隱之萌矣不加察是無復是非

之辨矣

夫苟舒緩而究察之則讒者之情得矣伐木者

尚倚其巔

輯錄箋此句下有不欲妄踣之

析薪者尚

隨其理皆不妄挫折之今乃捨彼有罪之譖人而加

我以非其罪

輯錄解頤曰惟其無是非之心故人之有罪者則舍之而不問惟其無惻隱之

心故我之無罪者則加之而不恤

魯伐木析薪之不若也此則興也

凡處細微之事者必有理而乃以非理罪我乎此以待人不如處物起興

○莫高匪山

叶所

莫浚

蘇俊

匪泉君子無易

夷鼓

由言

耳屬

音燭

于垣無逝我梁無發我笥我躬不閱遑恤我後

賦而比也山極高矣而或陟其巔泉極深矣而或入

其底故君子不可易於其言恐耳屬於垣者有所觀

望左右而生讒譖也

輯錄陳氏曰王無輕發言小人

窺伺之讒賊之生也亦伺君子之向背如何耳

王於是卒以褒姒為后伯服

為太子故告之曰毋逝我梁毋發我笥我躬不閱遑

恤我後蓋比詞也

輯錄王氏曰毋逝梁發笥者太子放逐而其憂終不忘國也我躬不

閱遑恤我後者無如之何自歎之辭

東萊呂氏曰唐德宗將廢太子而

立舒王

輯錄舒王德宗姪

李泌諫之且曰願陛下還宮勿露

此意左右聞之將樹功於舒王太子危矣此正君子

無易由言耳屬於垣之謂也小弁之作太子既廢矣

而猶云爾者蓋推本亂之所由生言語以為階也

德引

宗事見未發以前當如此蓋以證前四句之意也輯錄輔氏曰此章則總其始終言之申后之黜宜白

之逐雖主於褒似伯服之讒意者幽王之昏暴必先嘗泄此意於言語之間故其左右得以附會而成之

自古如是多矣東萊先生以為推本其亂之所由生言語以為階者是也無逝我梁以下四句則事已決

後絕意之辭耳



小弁八章章八句

一章怨慕也二章自怨也三章又為怨慕之辭四章無所底止

五章無所聊生則又為自怨之辭六章七章則怨及其親而怨之中不忘於慕也至八章無逝我梁以下始為絕意之詞云  
增釋許氏曰篇內五心之憂矣一日云如之何其詞尚緩二日疾如疾首則切於身矣三曰不遑假寐則晝夜無有休止四曰寧莫之知則無所告訴而倉卒急迫故終之以涕隕也

幽王娶於申生太子宜臼後得褒姒而惑之生  
子伯服信其讒黜申后逐宜臼而宜臼作此以  
自怨也序以為太子之傳述太子之情以為是

詩不知其何所據也傳曰高子曰小弁小人之

詩也孟子曰何以言之曰怨曰固哉高叟之為

詩也

輯錄固謂執滯不通也為猶治也

有人於此越人關弓

音彎

而射

音石

之則已談笑而道之無他疏之也其兄

關弓而射之則已垂涕泣而道之無他戚之也

小弁之怨親親也親親仁也

輯錄親親之心仁之發也

固矣

夫高叟之為詩也

兄射其弟以比幽王棄子涕泣道之以比太子怨詞戚之

之心即親親之仁也若小弁不怨則疏其親矣可乎哉惟其慕之所以怨之小弁之可取者正

以此耳曰凱風何以不怨曰凱風親之過小者也

小弁親之過大者也親之過大而不怨是愈疏也親之過小而怨是不可磯也愈疏不孝也不

可磯亦不孝也

微激之而遽怒放遠之而遂忘均為不孝也

孔子曰

舜其至孝矣五十而慕

是天之怨怨已也小弁之怨始於怨已而終則

怨其親也不得乎親而談笑道之則其心悲然矣不必計其怨之同異也所可惜者小弁之親親一時之慕爾使能即此良心以致終身之慕則戍中戍甫豈遂至於忘其親乎孟子論是詩無貶詞毛傳引之集傳用之以見孔子錄之之故也輯錄朱子曰言舜猶怨慕小弁之怨不為

不孝也解頤曰小弁之詩處父子之變白華之詩處夫婦之變聖人備錄於經所以著周室禍敗之由又以見天理民彝之不容泯也然嘗考之小弁之詩其前六章皆興白華之詩其八章皆比小弁之詞婉而切猶有望之之意處父子之間則然也白華之詞簡而莊不無責之之意處夫婦間則然也

悠悠昊天曰父母且

子餘反

無罪無辜亂如此慙

火吳反

昊

天已威

叶紂反

予慎無罪

叶音悴

昊天泰憮予慎無辜

賦也悠悠遠大之貌且語詞憮大也已泰皆甚也慎

審也○大夫傷於讒無所控告而訴之於天曰悠悠

昊天為人之父母胡為使無罪之人遭亂如此其大也昊天之威已甚矣我審無罪也昊天之威甚大矣我審無辜也此自訴而求免之詞也

輯錄嚴氏曰首章傷已被讒也

○亂之初生僭

側陰反

始既涵

音含

亂之又生君子信讒君

子如怒

叶奴五反

亂庶遄

市專反

沮

慈呂反

君子如祉

音耻

亂庶遄

已

賦也僭始不信之端也涵容受也君子指王也遄疾沮止也祉猶喜也○言亂之所以生者由讒人以不

信之言始入而王涵容不察其真偽也亂之又生者則既信其讒言而用之矣君子見讒人之言若怒而責之則亂庶幾遄沮矣見賢者之言若喜而納之則亂庶幾遄已矣今涵容不斷讒信不分是以讒者益

勝而君子益病也

容不當容則讒來而造亂用不當用則讒行而益亂若喜怒以正遏

惡揚善則讒無從生亂無從起矣

蘇氏曰小人為讒於其君必以漸

入之其始也進而嘗之君容之而不拒知言之無忌

於是復進既而君信之然後亂成

蘇氏曰次章言亂生於讒讒生

於優柔不斷所謂懷狐疑之心者來讒賊之口持不斷之意者開羣枉之門也今忠讒不分是以邪正混淆是非易位而亂天下也

○君子屢盟

叶謨渾反

亂是用長

丁丈反叶良反

君子信盜亂是

用暴盜言孔甘亂是用餒

音談

匪其止共

音恭

維王之邛

反

賦也屢數

音朔

也盟邦國有疑則殺牲歆

音震

血告神以

相要

平聲

束也

輯錄周禮司盟註曰盟者書其辭於策殺牲取血歆其牲加書於上而理之有

疑不協也李氏曰考之春秋傳如伯有之亂鄭伯與其臣下盟蓋盟者生於君臣相疑而致也歆歆也盟

者以血塗口旁曰軟

盜指讒人也。餒進邛病也。○言君子不能

已亂而屢盟以相要則亂是用長矣。君子不能聖

輯錄

舜典朕聖讒說殄行蔡氏傳聖疾也音即

讒而信盜以為虐則亂是用暴

矣。讒言之美如食之甘使人嗜之而不厭則亂是用

進矣。然此讒人不能供其職事徒以為王之病而已

增釋吳師道所謂亂是用長是用暴是用餒皆進進不已之意共亦訓進此言若不止所進則維王之病

矣是承上意而總言之

夫良藥苦口而利於病忠言逆耳而利

於行維其言之甘而悅焉則其國豈不殆哉

不能止讒而喜



聽讒則讒為亂階必  
矣以中上章之意也

○奕奕寢廟君子作之秩秩大猷聖人莫之他人有心

予忖

七損反

度

音鐸

之躍躍

他歷反

免

士咸反

兔遇犬獲

叶黃郭反

之

興而比也奕奕大也秩秩序也猷道莫定也躍躍跳

疾貌免兔也○奕奕寢廟則君子作之秩秩大猷則

聖人莫之以興他人有心則予得而忖度之

寢廟難作而君

子能作之大猷難定而聖人能定之人各有心而

以躍躍免兔遇犬獲之比焉反覆興比以見讒人之

心我皆得之不能隱其情也

以二事為興言得讒人之心若難以犬獲兔為

比言得讒人之心甚易也輯錄朱子曰詩人所見極大如此章本意只是惡巧言讒譖之人却以奕奕寢廟秩秩大猷起興便見其所見極大形於言者無非義理之極致也潘時舉對云此亦是先王之澤未泯禮義根於其心故其形於

是言者自無非義理也

○荏

而甚反

染柔木君子樹

叶上反

之往來行言心焉數

所主

反之蛇蛇

以支反

碩言出自口

叶孔反

矣巧言如簧顏之厚

五叶胡反矣

興也荏染柔貌柔木桐梓之屬可用者也行言行道

之言也數辨也蛇蛇安舒也碩大也謂善言也顏厚

者頑不知耻也○荏染柔木則君子樹之矣輯錄樹植也

往來行言則心能辨之矣柔木皆可用故君子樹之人言有讒信不同則未必

皆可用也故以其心辨之此用處置事理不同為興若善言出於口者宜也巧

言如簧則豈可出於口哉輯錄解頤曰詳審而不暴質實而無偽善言也阿徇

以為容逢迎以為悅巧言也真氏曰儉巧之言悅耳人聽如笙簧然言之徒可羞愧而

彼顏之厚不知以為耻也孟子曰為機變之巧者無

所用耻焉其斯人之謂與我得其心彼不知耻所以足上章之意○增釋吳師

道曰蛇蛇安舒正對顏厚而言巧言者自欺之心達於面終有不可得而掩者其顏豈得不厚乎上章第五句六句以見能得讒人之情此章第三句四句至末三句又以深見讒人之狀言也

○彼何人斯居河之麋

音眉無拳

音權

無勇職為亂階

叶居反

既微且尫

市勇反

爾勇伊何為猶將多爾居徒幾

音紀叶居希反

何

賦也何人斥讒人也此必有所指矣賤而惡

鳥故反

之

故為不知其姓名而曰何人也斯語辭也水草交謂

之麋

見秦風蒹葭篇

拳力階梯也骭

音限

瘍

音羊

為微腫足為尫

解錄孔氏曰郭璞云胥脚脛也瘍瘡也膝脛之下有瘡腫是涉水所為猶謀將大也○

言此讒人居下濕之地雖無拳勇可以為亂而讒口交鬭專為亂之階梯又有微腫之疾亦何能勇哉而為讒謀則大且多如此是必有助之者矣然其所與居之徒衆幾何人哉言亦不能甚多也

為惡者弱黨惡者寡是亦

無足畏也鄙而賤之之詞

### 巧言六章章八句

輔氏曰四章五章謂讒言易辨六章謂讒人易除愚謂三章以

前刺聽讒者五章以後刺造讒者增釋許氏曰夫人既被讒終篇未嘗有怨懟訴斥之語拳

恭專以欲諷上之審聽而五章且以開讒人之  
迷不自憂其身而惟憂天下之亂不惡怒其人之  
而發其羞耻之心  
詩人之忠厚如此

以五章巧言二字名篇

彼何人斯其心孔艱

叶居銀反

胡逝我梁不入我門

叶眉貧反

伊

誰云從維暴之云

賦也何人亦若不知其姓名也孔甚艱險也我舊說  
以為蘇公也暴暴公也皆畿內諸侯也○舊說暴公  
為卿士而譖蘇公故蘇公作詩以絕之然不欲直斥

暴公故但指其從行者而言彼何人者其心甚險胡

為往我之梁

輯錄歐陽氏曰魚梁者古  
人營生之具詩屢言之

而不入我之

門乎

似詩之  
作以此

既而問其所從則暴公也夫以從暴公

而不入我門則暴公之譖已也明矣但舊說於詩無

明文可考未敢信其必然耳

輯錄輔氏曰首二句責  
之也而不為已甚之辭

中二句疑之也而猶有望之之意末二句始明言之  
而其情既不得而適然亦無忿懣之辭可謂忠厚矣

○二人從行誰為此禍

胡果反

胡逝我梁不入唁我始者

不如今云不我可

賦也二人暴公與其徒也噫弔失位也○言二人相

從而行不知誰譖已而禍之乎

輯錄輔氏曰雖已明知其人之譖已而猶

為不知之辭

既使我得罪矣而其逝我梁也又不入而噫

我汝始者與我親厚之時豈嘗如今不以我為可乎

○彼何人斯胡逝我陳我聞其聲不見其身不愧于人

不畏于天

叶鐵因反

賦也陳堂塗也堂下至門之徑也○在我之陳則又

近矣聞其聲而不見其身言其蹤跡之詭秘也不愧



于人則以人為可欺也天不可欺女獨不畏于天乎

柰何其諧我也

首章疑之二章三章微責之輯錄輔氏曰人或可欺而天其可欺乎爾獨

不畏于天而諧我如是也古人責人往往至天而極如雨無正所謂胡不相畏不畏于天亦是意也

○彼何人斯其為飄風

叶孚

胡不自北胡不自南

叶尼反

胡逝我梁祗

音攪

交卯反

我心

賦也飄風暴風也攪擾亂也○言其往來之疾若飄

風然自北自南則與我不相值也今則逝我之梁則

適所以攪亂我心而已

輯錄適所以訓祗字

○爾之安行亦不遑舍

叶商居反

爾之亟

紀力行反

行遑脂爾車

壹者之來云何其盱

況于反

賦也安徐遑暇舍息亟疾盱望也字林云盱張目也

易曰盱豫悔

輯錄豫六三爻本義曰盱上視也陰不中正而近於四四為卦主故六三上視

於四而下溺於豫宜有悔者也

三都賦云盱衡而語是也

眉上曰衡謂舉目揚

眉也左太冲賦本作盱衡而誥

○言爾平時徐行猶不暇息而況亟

行則何暇脂其車哉今脂其車則非亟也乃託以亟行而不入見我則非其情矣何不一來見我如何使

我望汝之切乎

○爾還而入我心易

以鼓反叶以支反

也還而不入否難知也

壹者之來俾我祇也

賦也還反易說

音悅

祇安也

輯錄祇當作祁

○言爾之往也既

不入我門矣儻還而入則我心猶庶乎其說也還而

不入則爾之心我不可得而知矣何不一來見我而

使我心安乎

輯錄李氏曰亦以見讒譖之人愧不敢來也

董氏曰是詩至

此其詞益緩若不知其為譖矣

此三章一意又皆反覆以其不見為疑也

○伯氏吹壎

況表反

仲氏吹篴

音池

及爾如貫諒不我知出

此三物以詛

側助反

爾斯

叶先齋反

賦也伯仲兄弟也俱為王臣則有兄弟之義矣樂器

土曰壎大如鵝子銳上平底似稱

去聲

錘六孔

輯錄孔氏曰壎

周禮小師職作壎古今字異耳注云燒土為之

竹曰篴長尺四寸圍三寸七

孔一孔上出徑三分凡八孔橫吹之如貫如繩之貫

物也言相連屬

音燭

也諒誠也三物犬豕雞也刺其血

以詛盟也

輯錄周禮疏盟是盟將來詛是詛過往釋文以禍福之言相要曰詛

○伯氏

吹燠而仲氏吹簫言其心相親愛而聲相應和

並去聲

也

親愛以伯仲言應和以壎簫言

與汝如物之在貫

如物在貫言無間也伯仲壎簫

相與如此可謂無間矣

豈誠不我知而諧我哉苟曰誠不我知

則出此三物以詛之可也

此章始言其諧已也昔者知我今者諧我與二章之

意相應而加詳

○為鬼為蜮

音域

則不可得有覩

土典反

面目視人罔極作

此好歌以極反側

賦也蜮短狐也江淮水皆有之能含沙以射水中人

影其人輒病而不見其形也

輯錄孔氏曰蛾如鼈二足陸機云一名射影含

沙射影其瘡如疥痺雅曰有長角橫在口前如弩瘡臨其角端曲如上弩以氣為矢因水勢以射人俗呼

水弩鵝能食之靦面見人之貌也好善也反側反覆不正直

也○言汝為鬼為蜮則不可得而見矣女乃人也靦

然有面目與人相視無窮極之時豈其情終不可測

哉是以作此好歌以究極爾反側之心也

此章乃正言以責之

輯錄王氏曰作此詩將以絕之而曰好歌者有欲其悔悟之心焉爾

何人斯八章章六句

此詩與上篇文意相似疑出一手但上篇先刺  
聽者此篇專責讒人耳王氏曰暴公不忠於君  
不義於友所謂大故也故蘇公絕之然其絕之  
也不斥暴公言其從行而已不著其譖也示以  
所疑而已既絕之矣而猶告以壹者之來俾我  
祇也蓋君子之處已也忠其遇人也恕使其由  
此悔悟更以善意從我固所願也雖其不能如  
此我固不為已甚豈若小丈夫然哉一與人絕

則醜詆固拒

輯錄醜惡詆廣韻注皆也皆音訾口毀也固堅也

唯恐其

復合也

萋

七西反

兮斐

孚匪反

兮成是貝錦彼譖人者亦已大

音泰甚

食荏反

比也萋斐小文之貌貝水中介蟲也有文彩似錦

輯錄

孔氏曰錦而連貝故知為貝之文其文彩之異小大之殊甚衆古者貨貝是也埤雅曰錦文如貝謂之貝

錦貝中肉如科斗而有首尾以其背用謂之貝貝皆背也

○時有遭讒而被宮刑

為巷伯者作此詩

輯錄曹氏曰注云寺之言侍也正內路寢也作王於路寢之內蓋奄



人也巷永巷也內人之所居伯長也其官言因萋斐

為寺人而職長永巷故寺人而稱巷伯焉

之形而文致之以成貝錦以比讒人者因人之小過

而飾成大罪也彼為是者亦已太甚矣輯錄嚴氏曰甚之者言為

禍痛深疾之辭

○哆昌者反兮侈尺是反兮成是南箕彼譖人者誰適丁歷反下

同與謀叶謨悲反比也哆侈微張之貌南箕四星二為踵二為舌輯錄通釋

曰即箕星也常見於南方故謂南箕其踵狹而舌廣則大張矣前章言文致之

以成其罪此章言適主也誰適與謀言其謀之闕也

輯錄閔音秘幽深也解頤曰萋斐以成貝錦喻讒人者能因細小而飾成大罪也哆侈以成南箕喻讒人者能因疑似而構成實罪也始則以小而成大終則以虛而為實此讒人者所以能傾人之家國也

○緝緝

七立反

翩翩

音篇叶批賓反

謀欲諧人慎爾言也謂爾不

信

叶斯反

賦也緝緝口舌聲或曰緝緝人之罪也或曰有條理

貌皆通翩翩往來貌諧人者自以為得意矣然不慎

爾言聽者有時而悟且將以爾為不信矣

輯錄解頤曰緝緝者

如麻之績繼續而巳也翩翩者如鳥之飛往來而自得也諧之初行既以不信而加諸人言之不慎亦將以不信而責於汝戒之也

○捷捷幡幡

芳煩反叶芬邇反

謀欲諧言豈不爾受既其女

音汝

遷

賦也捷捷僂僂

血平聲

利貌幡幡反覆貌王氏曰上好諧

則固將受女然好諧不已則遇諧之禍亦既遷而及

女矣

輶錄嚴氏曰汝能諧人人亦能諧汝其禍將遷及汝矣

曾氏曰上章及此

皆忠告之詞

輶錄輔氏曰慎爾言也謂爾不信自諧者而言也豈不爾受既其女遷自聽者

而言也皆所必至之理故以之忠告於為諧者庶乎其知所畏而不敢肆耳解頤曰好諧之初固惟汝之受好諧不已又將於汝乎遷亦戒之之詞也

○驕人好好勞人草草蒼天蒼天

叶錢因反

視彼驕人矜此

勞人

賦也好好樂也草草憂也驕人諧行而得意勞人遇

諧而失度其狀如此

輯錄王氏狀上有情字輔氏曰視彼驕人庶乎有以抑遏沮止

之也矜此勞人庶乎有以扶持慰安之也

○彼諧人者

叶掌與反

誰適與謀

叶滿補反

取彼諧人投畀豺

士皆

反  
虎豺虎不食投畀有北有北不受叶承投畀有昊叶

反候

賦也再言彼譖人者誰適與謀者甚嫉之故重言之

也或曰衍

去聲

文也投棄也

輯錄畀付與也說文豺狼屬狗聲

北北方

寒涼不毛之地也

輯錄通釋曰窮北之地多寒不生草木五穀投棄讒人於彼使凍饑

之也

不食不受言讒譖之人物所共惡

鳥故反

也昊昊天

也投畀昊天使制其罪

輯錄制斷也正也

○此皆設言以見

欲其死亡之甚也故曰好賢如緇衣惡惡

下如字

如巷

伯

一者好之之至  
一者惡之之至

○楊園之道猗

於猗反

于畝丘

叶法奇反

寺人孟子作為此詩

凡百君子敬而聽之

興也楊園下地也

楊者近水之木宜下  
隰故楊園為下地

猗加也

加者出其

上畝丘高地也

畝田之壟也丘如田壟故曰畝丘

寺人內小臣

輯錄周禮

天官屬注寺之言侍也又音侍

蓋以讒被宮而為此官也孟子其字

也○楊園之道而猗于畝丘以興賤者之言或有補

於君子也

卑可升高有下可益上之意故以為興

蓋諧始於微者而其

漸將及於大臣也故作詩使聽而謹之也劉氏曰其

後王后太子及大夫果多以讒廢者

新錄董氏曰幽王之世大臣傷

於讒者如蘇公小臣傷於讒如寺人孟子則上下其得以免乎通釋曰劉氏此言蓋從小序以此為幽王時詩也集傳既引其說而未嘗明言其為幽王詩讀者當自得之

卷伯七章四章章四句一章五句一章八句一章

六句

一章二章責之三章四章誨之五章怨而訴之六章深思而痛疾之七章則言作詩以為

君子之戒也輯錄陳定宇曰巧言何人斯卷伯三篇其述讒言之禍與讒人之情狀可謂極矣

卷是宮內道名秦漢所謂永巷是也

輯錄三輔黃圖曰永

長也宮中長巷幽閉宮女之有罪者武帝時改為掖庭置獄焉謂之掖庭詔獄伯長也

主宮內道官之長即寺人也故以名篇班固司

馬遷贊云迹其所以自傷悼小雅巷伯之倫其

意亦謂巷伯本以被譖而遭刑也

司馬遷以赦李陵而得罪

下蠶室輯錄孔氏曰司馬遷以良史之才所坐非罪及其刊述典墳詞多慷慨是以班固云小

雅巷伯之倫焉而楊氏曰寺人內侍之微者出入於王

之左右親近於王而日見之宜無間

去聲

之可伺

矣今也亦傷於讒則疎遠者可知故其詩曰凡



百君子敬而聽之使在位知戒也其說不同然

亦有理姑存於此云

被讒而遭刑則見讒能禍人以寺人而遭讒則見讒

能問人○已上三篇皆刺讒者之詩故相屬

習習谷風維風及雨將恐

邱勇反

將懼維予與女音將安

將樂

音洛

女轉棄予

叶演女反

興也習習和調貌谷風東風也將且也恐懼謂危難

去聲憂患之時也○此朋友相怨之詩故言習習谷風

則維風及雨矣將恐將懼之時則維予與女矣

風雨相須

所以興維  
予與女也

奈何將安將樂而女轉棄予哉

患難則相  
保安樂則

相遺此無恒

心之人也

○習習谷風維風及頽

徒雷反

將恐將懼寘

之政反

予于懷

叶胡反

將安將樂棄予如遺

叶夷反

興也頽風之焚輪者也

焚輪旋轉之貌迴風從上下謂之頽頽下也輯錄爾雅焚

輪謂之頽注暴風從上下鄭樵曰焚輪自上而下而寘與

置同置于懷親之也如遺忘去而不復存省也

悉井反

頽則暴而易散所以興棄予如遺也○首章以物之相須興人之相與則後二句在興外此章以物之不

常興人之無常則  
盡一章而興之

○習習谷風維山崔

祖回反

嵬

五回反

無草不死無木不萎

叶於反

忘我大德思我小怨

叶韻未詳

比也崔嵬小巔也○習習谷風維山崔嵬則風之所

被者廣矣然猶無不死之草無不萎之木

輯錄姜音透草木枯

況於朋友豈可以忘大德而思小怨乎

谷風生物之功甚大也而

猶有所憾功之難全固然也恩施雖厚而不能無不足蓋若此矣忘大德思小怨則責人之不恕也故此章為比而與上二章不同或曰興也  
以谷風生物興大德以草死木萎興小怨謂興體亦可也

此蓋謂之此則重在忘字與思字謂之興則重在德小怨字○增釋許氏曰傳意謂谷中之風而及於崔嵬之山是所被者廣矣風本生物者也而草木不免於萎死是天地之功亦有所不足也而況於朋友豈無小過哉當存大義而全交道可也今乃忘我大德而思我小怨乎

谷風三章章六句

一章二章怨其始合而終睽三章怨其不當以此而見睽也谷

風蓋與伐木為反對終和且平則無谷風之怨矣解錄呂氏曰急則相求緩則相棄恩厚不知怨小必記皆小人之交也

蓼蓼

音六

者莪

反

匪莪伊蒿

反

呼毛

哀哀父母生我劬勞

比也蓼長大貌莪美菜也蒿賤草也○人民勞苦孝

子不得終養

去聲

而作此詩言昔謂之義而今非義也

特蒿而已以比父母生我以為美材可賴以終其身

而今乃不得其養以死於是乃言父母生我之劬勞

而重自哀傷也

輯錄嚴氏曰始生謂義長大為蒿為義猶可食為蒿則無用喻父母生長

我身至于長大乃是無用之子不能終養也此孝子自怨其身之辭也

○蓼蓼者義匪義伊蔚

音蔚

哀哀父母生我勞瘁

似醉反

比也蔚牡蒿

去刃反

也三月始生七月始華如胡麻華

而紫赤八月為角似小豆角銳而長瘁病也

已上二章先發

哀慕之意

○餅之罄

音慶

矣維壘之耻鮮

息淺反

民之生不如死之久

叶舉反

矣無父何怙無母何恃出則銜恤入則靡至

比也餅小壘大皆酒器也罄盡鮮寡恤憂靡無也

言餅資於壘而壘資餅

餅以泄之壘以蓄之二者交相賴也

猶父母與

子相依為命也故餅罄矣乃壘之耻猶父母不得其

所乃子之責

餅取給於壘親仰給於子理相似也輯錄通釋曰餅壘但取其相資之義而

不取義於餅之小大也

所以窮獨之民生不如死也

輯錄下四句又所以

實此二句蓋無父則無所怙無母則無所恃是以出則中

心銜恤入則如無所歸也

此章備極哀慕之情輯錄輔氏曰玩此四句真能道

孝子之情非身履而親歷之不知其味也

○父兮生我母兮鞠我拊

音撫

我畜

喜六反

我長

丁丈反

我育

我顧我復我出入腹我欲報之德昊天罔極

賦也生者本其氣也鞠畜皆養也拊拊循也

輯錄史記拊循

其民劉執中曰防其驚也則拊之

育覆

孚救反

育也

輯錄禮記照姬覆育

顧旋視

也

輯錄孔氏曰謂去之而反顧也

復反覆也

輯錄嚴氏曰復謂顧之又顧反覆不能暫捨也

腹懷抱也罔無極窮也○言父母之恩如此欲報之

以德而其恩之大如天無窮不知所以為報也

此章極言

父母之恩如此以發上文劬勞勞瘁之意輯錄嚴氏曰父生母鞠此總言我身是父母所生養下乃詳言父母之恩勤也謝氏曰天生萬物其恩無窮萬物無能報其恩者父母生子其恩如天之無窮子亦無可以報其恩者

○南山烈烈飄風發發民莫不穀我獨何害

叶音曷

興也烈烈高大貌發發疾貌穀善也○南山烈烈則

飄風發發矣民莫不善而我獨何為遭此害也哉

高山



大則風亦疾民莫不穀則我當與之皆善也而獨遭此害何哉此以物理之齊與人事之不齊亦反其意以為興也

○南山律律飄風弗弗

叶分律反

民莫不穀我獨不卒

興也律律猶烈烈也弗弗猶發發也卒終也言終養也

此與上章重自哀痛以申不得終養之意

蓼莪六章四章章四句二章章八句

晉王裒以父死非罪每讀詩至哀哀父母生我劬勞未嘗不三復流涕受業者為廢此篇詩之

感人如此

王褒父儀事魏將軍司馬昭昭與吳人戰敗問曰戰而敗績誰任其咎儀

曰責在元帥昭怒斬之集傳引此以明詩之用輯錄李氏曰凱風母不安其室之詩也小弁太子見棄之詩也蓼莪孝子不得終養之詩也故其咎責怨慕哀痛如此苟不為母所棄不為父所逐不困於行役而得終養則其歡欣可知矣觀詩者當以此類求之解順曰孝子行役不得以養其父母而形於嘆詠者如陟岵鳴咽而不也而蓼莪之詩獨使人誦之者流涕鳴咽而不能止何也曰陟岵鳴咽思念於父母尚存之日蓼莪之詩感傷於父母既沒之後憶彼父母俱存者猶未知是詩之悲也若父母既沒誦是詩而不三復流涕者是亦非人子也

有饒

音

蒙簋

音

軌殮

音

孫有捄

音

棘匕

必履

反

周道如砥

之履

反

其

其

直如矢君子所履小人所視

叶善止反

睠

音春

言顧之潛

所姦反

焉出涕

音體

興也饒滿簋貌飡熟食也

輯錄孔氏曰禮簋盛黍稷

掄曲貌棘匕

以棘爲匕所以載鼎肉而升之於俎也

輯錄孔氏曰雜記匕用柶

長三尺喪祭也吉祭及賓客之匕則用棘古之祭祀享食必體解其肉之胖既大故賓用匕載之謂出之於鼎升之於俎也

砥礪石言平也矢言直也君子在

位履行小人下民也睠反顧也潛涕下貌○序以爲

東國困於役而傷於財譚大夫作此以告病

輯錄孔氏曰譚

國在京師之東

言有饒簋殽則有捄棘也周道如砥則其直

如矢

此固宜為無義之興但簋殽饒然突而不平周道則平如砥也棘也捄然曲而不直周道則直

如矢也以突興平以曲興直相因之義或然是用存之以備一說

是以君子履之而

小人視焉

適周之道既平且直乃人所共履共視者此蓋互文見義耳

今乃顧之

而出涕者則以東方之賦役莫不由是而西輸於周

也

此章首發憫恤之意

○小東大東

叶都反杼

直呂反柚

音逐其空

叶枯反糾糾

葛屨可

以履霜佻佻

徒彫反

公子行彼周行

叶戶反

既往既來

叶六反

使我心疚

叶訖  
力反

賦也小東大東東方小大之國也自周視之則諸侯

之國皆在東方杼持緯者也

輯錄  
梭也

柚受經者也空盡

也佻輕薄不柰勞苦之貌公子諸侯之貴臣也周行

大路也疚病也○言東方小大之國杼柚皆已空矣

至於以葛屨履霜而其貴戚之臣奔走往來不勝

音升

其勞使我心憂而病也

既傷於財又困於役即此見  
之此章指言所可憫恤之事

輯錄輔氏曰糾糾葛屨可以履霜舉其甚者言之也  
以葛屨履霜則冬裘之不備可知矣既往既來則言

其來往之不一也周道一也方其盛時君子履之而小人視焉及其衰也公子行之而人心病焉時移事變而人心所感不同如此

○有洌

音列

沆

音軌

泉

叶才

無浸

穫

新契

契

苦計

寤歎

哀我

也

也

也

也

也

也

也

憚

丁佐反

人薪

是穫

薪尚

可載

叶節

也

哀我

憚人

亦可

息

也

也

也

也

也

也

也

也

也

也

也

也

興也洌寒意也側出曰沆泉穫艾

音刈

也契

契憂

苦也

也

也

也

也

也

憚勞也尚庶幾

平聲

也載

載以

歸也

○蘇氏曰

薪已

穫

矣

而復

事之

則病

故

矣

而復

事之

則病

故

矣而復

扶又反

漬

之則

腐民

已勞

矣而

復事

之則

病故

矣

而復

事之

則病

故

矣

而復

事之

則病

故

矣

已艾則庶其載而畜之已勞則庶其息而安之

此以愛物

之心興愛人之心○此章則承上章之意又舉所可憫恤之人而致願望之詞

○東人之子職勞不來

音賚叶六直反

西人之子粲粲衣服

叶浦

北反舟人之子熊羆是裘

叶渠之反

私人之子百僚是試

叶申之反

賦也東人諸侯之子也職專主也來慰撫也西人京

師人也粲粲鮮盛貌舟人舟楫之人也熊羆是裘言

富也私人私家皂隸之屬也僚官試用也舟人私人

皆西人也

輯錄解頤曰別舟人私人言之者舉卑賤以見其餘也

○此言賦役

不均羣小得志也

此又歷言所可憫恤之事而深怨之也輯錄李氏曰此章言東人之

勞西人之逸小人得志綱紀敗壞無復王室之舊也

○或以其酒不以其漿鞫鞫

胡犬反

佩璲

音

不以其長維

天有漢監

古暫反

亦有光跂

丘跂反

彼織女終日七襄

賦也鞫鞫長貌璲瑞也

瑞玉名輯錄以瑞玉為珮

漢天河也

輯錄楊泉

物理論漢水之精也氣發而著精華浮上宛轉隨流名曰天河一日雲漢

跂隅貌織女星

名在漢旁三星跂然如隅也

孔氏曰三星鼎足望之跂然而成三角在天市

垣北七襄未詳傳曰反也箋云駕也駕謂更平聲其肆也



蓋天有十二次日月所止舍所謂肆也

肆謂止舍處

經星

一晝一夜左旋一周而有餘

二十八宿謂之經星

則終日之間

自卯至酉當更七次也

輯錄孔氏曰在天為次在地為辰通釋曰日月五星為緯

其餘皆為經星經星周布與天為體所謂經星一晝夜左旋一周天而有餘者即天之旋一周而又過一

度者也然周天十二次一晝夜十二時則一時當歷一次故終其晝日之間自卯至酉凡七時織女星當

歷七次也

○言東人或饋之以酒而西人曾不以為漿東

人或與之以鞠然之佩而西人曾不以為長維天之

有漢則庶乎其有以監我

輯錄歐陽氏曰不言日月之明而言雲漢之光者謂

不能下而織女之七襄則庶乎其能成文章以報我

矣無所赴愬而言惟天庶乎其恤我耳

此怨其上之弗加憫恤而

冀天之憫恤也輯錄輔氏曰侯邦供王賦役固其職也然為王者當有以體恤之不敢易視而輕用之可也今也東國財力俱困易視輕用之必矣此東國之衆佩之鞬鞬而不以為長其出之也甚艱其視之也甚賤蓋其意氣驕溢類如此然則貧富勞逸之不均吾將曷愬哉亦惟愬之於天而已漢之有光其亦能監視我也耶織女之七襄其亦能成文章以報我也耶其詞之婉而不迫如此詩之忠厚亦可見矣

○雖則七襄不成報章皖

華板反

彼牽牛不以服箱東有

啟明

叶謨郎反

西有長庚

叶古郎反

有捄天畢載施之行

戶郎反

賦也睨明星貌牽牛星名

輯錄六星北方宿爾雅謂何鼓何胡可反

服駕

也箱車箱也

輯錄孔氏曰兩較之間謂之箱是車內容物之處較音角

啟明長庚

皆金星也以其先日而出故謂之啟明以其後日而

入故謂之長庚

輯錄庚續也劉執中曰金星朝在東所以啟日之明夕在西所以續日之

長蓋金水二星常附日行而或先或後但金大水小

故獨以金星為言也

輯錄通釋曰金水附日而行無定在或一在日先一在日後或

俱在日先或俱在日後金星行在日後則晨見而昏不見行在日先則昏見而晨又不見也

天畢

畢星也狀如掩兔之畢

畢長柄小網也畢八星二星直上如柄六星曲為兩行張

其口如畢網也行行列也

○言彼織女不能成報我之章牽

牛不可以服我之箱而啟明長庚天畢者亦無實用

但施之行列而已

輯錄謝氏曰織女無織成文錦之實牽牛無服箱之實啟明非真能

啟日之明長庚非真能續日之長畢不可以掩捕鳥獸不過施設於經星之行列耳皆有其名而無其實

也至是則知天亦無若我何矣

此又怨夫天弗能加憫恤也

○維南有箕不可以簸

波我反

揚維北有斗不可以挹

音揖反

酒漿維南有箕載翕

許急反

其舌維北有斗西柄之揭

音許

賦也箕斗二星以夏秋之間見於南方

蚌錄通釋曰六七月間見

於南方者指當時昏見為言也

云北斗者以其在箕之北也或曰北

斗常見不隱者也

輯錄箕東方宿南斗六星在箕北北斗七星其六在紫微垣內其一

在外運乎天中臨制四方

翕引也舌下二星也

箕四星在天漢之中二為踵在上二

為舌在下踵反在上故曰引其舌也

南斗柄固指西若北斗而西柄則

亦秋時也○言南箕既不可以簸揚糠粃北斗既不

可以挹酌酒漿

輯錄亦皆有其名而無其實也

而箕引其舌反若有

所吞噬斗西揭其柄反若有所挹取於東是天非徒

無若我何乃亦若助西人而見困甚怨之詞也

此又言天

弗憫恤而且若欲加害也輯錄歐陽氏曰自維天有漢以下皆述譚人仰訴於天之詞其意言我譚人困於供億取資於地者皆已竭矣欲取於天又不可得也未言箕斗非徒不可用箕反若有所噬斗反若有所挹取於東是皆怨諷之詞也輔氏曰二章三章以下文意奇逸其詞雖若濶疎而意脉實相連屬作此詩者非唯怨得其正其亦老於文墨者歟

### 大東七章章八句

增釋許氏曰一章言上不恤下而賦役不均也二章上四句傷

於財下四句困於役三章欲得休息之意四章言賦役不均羣小得志五章言為西人所虐視而覲天之監六七章傳言已明

四月維夏

叶後五反

六月徂暑先祖匪人胡寧忍予

叶演女反

興也徂往也四月六月亦以夏正數

上聲

之建已建未

之月也○此亦遭亂自傷之詩言四月維夏則六月

徂暑矣我先祖豈非人乎何忍使我遭此禍也

四月維夏

時暑方來而必以六月而去先祖忍予遭禍則禍之來也何時始去乎暑去有時禍去無時天不忍以暑

害人先祖忍以禍害人也亂世無所歸咎之詞也怨之禍與暑氣酷烈同故以起興

祖與怨天之意同不忍斥言其上也

○秋日淒淒

七西反

百卉

許貴反

具腓

芳菲反

亂離瘼

音莫

矣奚

家語  
作奚 其適歸

興也淒淒涼風也卉草腓病離憂瘼病奚何適之也

○秋日淒淒則百卉具腓矣亂離瘼矣則我將何所

適歸乎哉

肅殺用威則何物可免亂離為害則何處可安草木之病者皆然人民見病者隨地

而然也亂世之氣象與秋之凋瘵同故以起興

○冬日烈烈飄風發發民莫不穀我獨何害

叶音曷

興也烈烈猶栗烈也發發疾貌穀善也

日寒則風疾其氣相似也

民穀而我害其情何不相似乎但亂則俱害矣而云然者自傷之甚爾亂世之物情與冬之慘慄同故以



起興

○夏則暑秋則病冬則烈言禍亂日進無時而息

也

不言春者春日暄妍與禍亂之世非類也

○山有嘉卉侯栗侯梅

叶莫悲反

廢為殘賊莫知其尤

叶于其反

興也嘉善侯維廢變尤過也○山有嘉卉則維栗與

梅矣

輯錄錢氏曰通言之則草木皆卉也

在位者變為殘賊則誰之過

哉

物之美者能全其美可見也人之善者乃變而惡不可知也物性有常人性無常此以人不如物起

興也

○相

息亮反

彼泉水載清載濁

叶殊玉反

我日構禍曷云能穀

興也相視載則構合也○相彼泉水猶有時而清有

時而濁而我乃日日遭害則曷云能善乎

泉水之濁有時或清

而禍亂之遭無時可已也此亦以二者相反對而為興者也

○滔滔

吐刀反

江漢南國之紀盡瘁以仕寧莫我有

叶羽反

興也滔滔大水貌江漢二水名紀綱紀也謂經帶包

絡之也

此有不忍遺棄之意

瘁病也有識有也

識有猶言顧念

○滔滔

江漢猶為南國之紀今也盡瘁以仕而王何其不我

有哉

輔氏曰江漢為南國之紀則是江漢之有南國也王不我有則是自絕於下矣愚謂此以人情

不如物理為興  
與江有汜同

○匪鷄

徒九反

匪鳶

以專反叶  
旬反

翰飛戾天

叶鐵反

匪鱣

張連反

匪鮪

于軌反

潛逃于淵

叶一均反

賦也

諸本作興非

鷄鵒也

輯錄埤雅曰鵒能食草似鷹而大黑色俗呼為皂鵒

鳶亦

鷄鳥也其飛上薄雲漢鱣鮪大魚也○鷄鳶則能翰

飛戾天鱣鮪則能潛逃于淵我非是四者則亦無所

逃矣

輯錄陳氏曰言雖欲高飛深藏而不可得也

山有蕨薇隰有杞桋

音夷

君子作歌維以告哀

叶於希反

興也杞枸

音枸

計也

輯錄本草曰

枸杞一名地骨春

夏採葉秋採莖實冬採根皆可

食

棧赤棟

音色

也樹葉細而岐銳皮理錯戾好叢生山

中中

去聲

為車輞

輯錄輞車之牙即輹也考工記

注輹牙也以為輪之周抱也

○山

則有歲薇隰則有杞棧君子作歌則維以告哀而已

此則託物為

無義之興

四月八章章四句

一章至三章言禍亂日進而四章則怨其上五章又言禍亂不

息而六章又怨其上七章言去亂無計八章言作詩告哀

小旻之什十篇六十五章四百十四句



詩經疏義會通卷十二

欽定四庫全書

經部

詩經疏義會通卷十三

詳校官監察御史<sub>臣</sub>盛嘉祐

通政使司副使<sub>臣</sub>莫瞻菴覆勘

總校官編修<sub>臣</sub>倉聖脉

校對官典籍<sub>臣</sub>劉景岳

騰錄監生<sub>臣</sub>龔輝遠

欽定四庫全書

詩經疏義會通卷十三

元 朱公遷 撰

北山之什二之六

陟彼北山言采其杞偕偕士子

叶獎里反

朝夕從事

叶上止反

王

事靡盬憂我父母

叶滿彼反

賦也偕偕強壯貌士子詩人自謂也○大夫行役而作此詩自言陟北山而采杞以食者皆強壯之人而朝夕從事者也蓋以王事不可以不勤是以貽我父



母之憂耳

輯錄謝氏曰言王事不可以不堅固也子以王事為憂父母以子之勤勞為憂

○溥

音普

天之下

叶後五反

莫非王土率土之濱莫非王臣大

夫不均我從事獨賢

叶下珍反

賦也溥大率循濱涯也

輯錄疏九州海環之濱是四畔近水之處

○言土

之廣臣之衆而王不均平使我從事獨勞也

輯錄饒氏

曰無才者多逸有才者多勞以其能任事故也言凡為王臣者皆當任王事何獨使我為賢而勞之乎

不斥王而曰大夫

大夫行役而怨大夫不均蓋天子之大夫非一人也此則指夫執政

者而

不言獨勞而曰獨賢詩人之忠厚如此

○四牡彭彭

叶鋪郎反

王事傍傍

布彭反叶布光反

嘉我未老鮮

息淺

反我方將旅力方剛經營四方

賦也彭彭然不得息也傍傍然不得已也嘉善鮮少

也以為少而難得也將壯也旅與簪同

輯錄旅力方剛言其健也

○言王之所以使我者善我之未老而方壯旅力可

以經營四方耳

輯錄謝氏曰經營畫營營造如人作室曰經之營之言區畫造作四方之

事也猶上章之言獨賢也

○或燕燕居息或盡瘁事國

叶越逼反

或息偃在床或不已

于行

叶戶郎反

賦也燕燕安息貌瘁

徂醉反

病已止也

○言役使之不

均也下章放此

輯錄輔氏曰此章而下則方言其不均之實然亦不過以其勞逸者對言

之使上之人自察耳但言之重辭之複則其望於上者亦切矣詩可以怨謂此類也

○或不知叫號

戶刀反

或慘慘

七感反

劬勞或栖

音西

遲偃仰

或王事鞅

於兩反

掌

賦也不知叫號深居安逸不聞人聲也鞅掌失容也

言事煩勞不暇為儀容也

增釋鞅掌煩勞失容之狀

○或湛

都南反

樂飲酒或慘慘畏咎

巨九反

或出入風

音諷議

叶魚

或靡事不為

賦也咎猶罪過也出入風議言親信而從

七恭反

容也

北山六章三章章六句三章章四句

一章勞苦而思其親二章

三章勞苦而怨其上四章以後極言勞逸不均而深怨之也輯錄胡庭芳曰補傳云大東言賦之不均北山言役之不均

無將大車祗

音支

自塵兮無思百憂祗自疚

劉氏曰當作疚與瘠同眉

貧分反

興也將扶進也大車平地任載之車駕牛者也祇適

疾

釋文都禮反

病也○此亦行役勞苦而憂思者之作言

將大車則塵汚之思百憂則病及之也

此皆言之可戒者故因行

役所見而用語相呼為興輶錄輔氏曰夫行役者進而有王事之期程惟恐其有不期之悔退而有家事之多端唯恐其有意外之虞所可憂者固不一而足也故曰百憂戒之以無思者言姑置之勿以為念可也  
不然適所以自病而已矣

○無將大車維塵冥冥

叶莫迥反

無思百憂不出于頰

古迥反

興也冥冥昏晦也頰與頰同小明也在憂中耿耿然

不能出也

人心有憂則拘而迫

○無將大車維塵雖

於勇於容二反

兮無思百憂祇自重

直勇直龍

二反  
兮

興也雖猶蔽也重猶累也

無將大車三章章四句

憂傷之意反覆道之

明明上天照臨下土我征徂西至于朏

音求野

叶上與反

二月

初吉載離寒暑心之憂矣其毒大

音泰

苦念彼共

音恭下章並同

人涕零如雨豈不懷歸畏此罪罟

音古

賦也征行徂往也芄野地名蓋荒遠之地也二月亦

以夏正數

反色主

之建卯月也初吉朔日也

輯錄疏君子舉事尚

早故以朔為吉

毒言心中如有藥毒也

輯錄謝氏曰戴再也離歷也曰憂曰毒而

又曰大苦其情有大不堪者矣

共人僚友之處者也懷思罔也○

大夫以二月西征至于歲暮而未得歸故呼天而訴

之復念其僚友之處者且自言其畏罪而不敢歸也

輯錄輔氏曰言其涉行之遠歷時之久故其心之憂如中藥之毒而甚苦也則僚友之處者亦豈有樂事

哉此所以思之而涕零如雨又自言我亦豈不懷歸而相與共事哉正以畏不測之罪而不敢歸爾罪罔

言其以罪而加人如網罟之取物而物有不及知者  
也不言思其室家而欲歸乃言思其僚友者善為辭  
也然室家之思  
固亦在其中

○昔我往矣日月方除

直慮反

曷云其還歲聿云莫

音慕

我獨兮我事孔庶心之憂矣憚

丁佐反

我不暇

叶胡故反

念彼

其人惓惓

音眷

懷顧豈不懷歸畏此譴怒

賦也除除舊生新也謂二月初吉也庶衆憚勞也

惓勤厚之意譴

詰戰反

怒罪責也○言昔以是時往今

未知何時可還而歲已莫矣蓋身獨而事衆是以勤



勞而不暇也

輯錄輔氏曰暇暇懷顧言已之於僚友勤厚瞻瞻然懷思而顧念之也謹怒則

明言其罪責之及耳

○昔我往矣日月方奧

反於六

曷云其還政事愈蹙

子六反

歲聿云莫采蕭穫菽心之憂矣自詒伊戚

叶子六反

念彼共

人興言出宿豈不懷歸畏此反覆

芳福反

賦也奧暖

輯錄疏即春溫亦謂二月也

蹙急詒遺

丁季反

戚憂興起

也反覆傾側無常之意也○言以政事愈急是以至

此歲暮而猶不得歸

輯錄輔氏曰采蕭穫菽則歲莫之事也

又自咎其

不能見幾遠去而自遺此憂至於不能安寢而出宿於外也

○嗟爾君子無恒安處靖共爾位正直是與神之聽之

式穀以女

音汝

賦也君子亦指其僚友也恒常也靖與靜同

輯錄謝氏曰靖

如自靖自獻之靖凡事謀之心而安也共如溫共朝夕之共凡事共敬而不敢慢也君子本共又勉之以靖共也與猶助也穀祿也以猶與也○上章既自傷悼

此章又戒其僚友曰嗟爾君子無以安處為常言當

有勞時勿懷安也當靖共爾位惟正直之人是助則神之聽之而以穀祿與女矣

○嗟爾君子無恒安息靖共爾位好呼報反是正直神之

聽之介爾景福

叶筆力反

賦也息猶處也好是正直愛此正直之人也介景皆大也

小明五章三章章十二句二章章六句

前三章致憂思之情

後二章盡忠告之義幃錄陳定宇曰此詩因已之久役於外而思僚友之安處於內者且於已

無賢勞之恨而謂憂戚之自詒於彼無憎疾之辭而勉以為正直之是助哀而不傷怨而不怒視北山之詩稍庶幾焉豈賦北山者有父母故其辭極哀怨賦小明者已無父母故其辭頗和平也歟○增釋許氏曰詩言其毒太苦憚我不暇可謂甚矣其三章乃曰自詒伊戚不敢咎其上而祇自咎其後二章且告其友勤職事親善人以忠其上詩人之忠厚也

鼓鍾將將

七羊反

淮水湯湯

音傷

憂心且傷淑人君子懷允

不忘

賦也將將聲也淮水出信陽軍桐栢山至楚州漣水

軍入海

輯錄信陽軍即今汝寧府信陽縣隸河南漣水軍即今淮安府安東縣直隸

湯湯

沸騰之貌淑善懷思允信也○此詩之義未詳王氏  
曰幽王鼓鐘淮水之上為流連之樂久而忘反聞者  
憂傷而思古之君子不能忘也輯錄輔氏曰懷允不  
忘言其傷今思古而  
信不能  
忘也

○鼓鐘喑喑

音皆叶  
居奚反

淮水湑湑

戶皆反叶  
賢雞反

憂心且悲淑

人君子其德不回

叶乎  
為反

賦也喑喑猶將將湑湑猶湯湯悲猶傷也回邪也

輯錄

輔氏曰悲甚於傷樂所以象德其  
德不回則古之君子樂與德稱也

○鼓鐘伐磬

古毛反叶  
居尤反

淮有三洲憂心且妯

敕留反

淑人

君子其德不由

賦也磬大鼓也周禮作皋云皋鼓尋有四尺

輯錄此  
引冬官

韞人文又地官鼓人以磬  
鼓鼓役事八尺曰尋

三洲淮上地蘇氏曰始言

湯湯水盛也中言潛潛水流也終言三洲水落而洲

見也言幽王之久於淮上也妯動猶若也言不若今

王之荒亂也

輯錄輔氏曰伐磬舉樂器之大者言之  
以見其樂之盛也妯甚於悲謂常動而

不息也其德不猶言與今之君子不相似也將將  
嗒伐磬言其樂之盛也湯湯潛潛三洲言其時之久

也且傷且悲且妯言其憂之甚也樂之盛作之久也而民心之憂益甚則與古之王者憂民之憂樂民之

樂者

異矣

○鼓鍾欽欽鼓瑟鼓琴笙磬同音以雅以南

叶尼心反

以箏

以灼反

不僭

子念反叶七心反

賦也欽欽亦聲也磬樂器以石為之琴瑟在堂笙磬

在下同音言其和也雅二雅也南二南也箏箏舞也

僭亂也言三者皆不僭也○蘇氏曰言幽王之不

德豈其樂非古歟樂則是而人則非也

輯錄濮氏曰但時非古之

時聞其樂祇見其可傷也孟  
子告齊宣王者可以觀矣

### 鼓鐘四章章五句

一章至三章直刺之四章美其鼓樂而陰刺之

此詩之義有不可知者今姑釋其訓詁名物而

略以王氏蘇氏之說解之未敢信其必然也

輯錄

胡氏曰歐公云鼓鐘序但言刺幽王不知刺何事據詩文則是作樂於淮上矣然旁考詩書史記皆無幽王東巡之事書曰徐夷並興蓋自成王時徐夷及淮夷已皆不為周臣宣王時嘗遣將征之亦不自往初無幽王東至淮徐之事然則不得作樂於淮上矣當闕其所未詳嚴氏謂古事亦有不見於史而因經以見者詩即史也其論固當然而詩文亦不明言其為幽王也故



集傳以為未詳又曰未敢信其必然得之矣

楚楚者茨言抽

反 敕留

其棘自昔何為我蓺

反 魚世

黍稷我

黍與與

餘音

我稷翼翼我倉既盈我庾維億以為酒食以

饗以祀

織反 叶逸

以妥

湯果反

以侑

音又 夷益反

以介景福

叶筆力反

賦也楚楚盛密貌茨蒺藜也抽除也我為有田祿而

奉祭祀者之自稱也與與翼翼皆蕃盛貌露積

如字 積音

漬

曰庾十萬曰億

輯錄嚴氏曰我倉既盈無所藏之則露積為庾其數至億言其多也

饗獻也妥安坐也禮曰詔妥尸

輯錄禮記郊特牲注曰尸始入祝則詔主

人拜安尸使之坐

蓋祭祀筮族人之子為尸

輯錄筮尸用無父者祭祖用孫

列皆取於同姓之適孫天子諸侯取卿大夫有爵者謂之公尸

既奠迎之使處神坐

而拜以安之也侑勸也恐尸或未飽祝侑之曰皇尸

未實也

侑勸也實飽也儀禮特牲風興烹饌設筵几迎尸正祭尸入即位主人拜安尸尸祭神食

祭酒啐酒告止祭銅嘗之告旨尸三飯告飽祝侑之曰皇尸未實尸又三飯如是者三然後主人酌酒獻

尸介大也景亦大也

此以介景福謂以此大求多福也

○此詩述公卿

有田祿者力於農事以奉其宗廟之祭

輯錄解頤曰力於農事所

以致其勤也以奉宗廟所以致其孝也惟勤故致力於民者盡惟孝故致力於神者詳

故言疾

藜之地有抽除其棘者古人何乃為此事乎

古人古者治田

之人也

蓋將使我於此藝黍稷也

鮮錄輔氏曰首四句推本而言以見其不

忘所自也王氏以為我倉既盈則無所藏之而露積為庾其數至億者是也然此亦甚言之以見有餘之

耳故我之黍稷既盛倉庾既實則為酒食以饗祀安

侑而介大福也

古人墾闢蓋以為孝孫種殖計故種殖有成即為祭祀受福計所以種殖

者非他也致祭受福不可無酒食也有此黍稷可不知所用哉其意重在六箇以字此章專主酒食言

○濟濟

子禮反

蹌蹌

七羊反

絜爾牛羊以往烝嘗或剥或亨

晉庾反叶

鋪郎反 或肆或將祝祭于祊

補彭反叶

祀事孔明

叶

反郎先祖是皇神保是饗

叶虛良反

孝孫有慶

叶祛羊反

報以介福

萬壽無疆

賦也濟濟蹌蹌言有容也

輯錄輔氏曰古之祭祀用人甚多此言濟濟蹌蹌者

謂凡與祭之人皆有容儀也

冬祭曰烝秋祭曰嘗

言烝嘗則禴祠在其中矣但禴

主樂祠主言詞此承牛羊之文故以烝嘗言之

剝解剝其皮也亨煮熟之也

肆陳之也將奉

音捧

持而進之也

牲體則陳之殺則進之剝烹肆將皆潔牛

羊奉烝嘗之事而皆蒙濟濟蹌蹌一句則無不敬也

祔廟門內也孝子不知神

之所在故使祝博求之於門內待賓客之處也

禮公食大

夫皆行事於廟是廟門之內有待賓客之處也魂無不知神無不在故博求之如此孔甚也明

猶備也著也

濟濟蹕蹕以下五句是薦牲之敬為一節祝祭于祊一句是求神之誠為一節

祀事孔明一句則總結之也

皇大也君也

訓大與君言神來而處尊位

保安也

神保蓋尸之嘉號楚詞所謂靈保亦以巫降神之稱

也

輯錄朱子曰靈保神巫也神降而託於巫蓋身則巫而心則神也今詩中不說巫當便是尸也孝

孫主祭之人也慶猶福也

薦牲之禮如此求神使饗之又如此祀事可謂明備

矣此先祖之所以來饗孝孫之所以受福者盛大而悠久也此章專主牛羊言

○執爨

七亂反

踏踏

音迹叶七畧反

為俎孔碩

叶常反

或燔

音煩或炙

之敕反叶  
陟畧反

君婦莫莫

音麥叶  
木各反

為豆孔庶

叶陟畧反

為賓為客

叶克反  
獻酬

市由反

交錯禮儀卒度

叶徒洛反

笑語卒獲

叶黃郭反  
神

保是格

叶剛鶴反

報以介福萬壽攸酢

賦也饗竈也

輯錄疏饗饗以炙肉廩饗以炊米少牢云饗饗在門東南北上廩饗在饗饗之

北踏踏敬也

為俎者燔者炙者皆執饗之人而俎所皆蒙踏踏二字也語勢與上章同

以載牲體也

所謂博碩肥臚是也

碩大也燔燒肉也炙炙肝也

皆所以從

去聲

獻也特牲主人獻尸賓長

上聲

以肝從主

婦獻尸兄弟長以燔從是也

輯錄朱子曰燔者大燒之名炙者遠火之稱以

難熟者近火易熟者遠之故肝炙而肉燂也孔疏云  
從獻謂既獻酒即以此燂炙從之而置之在俎也

君婦主婦也

輯錄輔氏曰君婦者君即主也又所以尊稱之也

莫莫清靜而

敬至也豆所以盛

平聲

內羞庶羞主婦薦之也庶多也

內羞以黍稷庶羞以肉味輯錄房中之羞其邊則糗餌粉糝其豆則配食糝食庶羞羊臠豕臠皆有臠醢房中之羞內羞也配音移

臠音熏曉音枵載音志

賓客筮而戒之使助祭者

既獻尸而遂與之相獻酬也主人酌賓曰獻賓飲

去聲

主人曰酢主人又自飲而復飲

並去聲

賓曰酬賓受之

奠於席前而不舉至旅而後少

去聲

長相勸而交錯以

徧也

特牲迎尸正祭之後主人獻尸主婦亞獻尸賓三獻尸尸皆酢酢畢主人獻賓及衆賓宗人公

有司又獻長兄弟衆兄弟及私臣又獻內兄弟畢長兄弟及衆賓各洗觚為加爵嗣舉奠弟子舉解於

其長為旅酬佐食獻尸祝告利成尸出卒盡也度法徹俎賓出輯錄傳東西為交邪行為錯

度也獲得其宜也

卒度卒獲言無不合於法無不得其宜也輯錄謝氏曰笑語卒獲言

旅也語恩澤行於禮法之中格來酢報也內而主婦外

和樂生於誠敬之餘也而執爨者無不敬以將事如此此神之所以饗而福之所以降也此章通以俎豆獻酬之事言

○我孔熯

而善反

矣式禮莫愆

叶起中反

工祝致告徂賚孝孫

叶須反苾苾

滿必反

芬孝祀

叶逸反

神嗜飲食卜爾百福

叶華反如



幾

音機

如式既齊既稷既匡既敕永錫爾極時萬時億

賦也燠竭也善其事曰工

蟬錄工於為祝者

苾芬香也卜予

與同

也幾期也春秋傳曰易幾而哭是也

定公元年叔孫成子逆昭

公之喪于乾侯子家子不見叔孫易幾而哭注幾哭會也不見叔孫故朝夕哭不同會

式法齊

整稷疾匡正敕戒

整則不亂疾則不慢正則不邪戒則不忽皆莊敬之容也

極至

也○禮行既久筋力竭矣而式禮莫愆敬之至也

有事

始終敬無間斷

上章絜牛羊者執爨者君婦賓客皆極其禮敬如彼此乃言主祭者之敬其不替又如

此則自妥侑以來敬可知也

於是祝致神意以嘏

音假

主人

蟬錄少牢注嘏

大也予主人以大福輔氏曰衺賚二字重釋致告之義如言以其所致告者往而予孝孫也 曰爾

飲食芳潔

上言酒食牛羊燔炙之類

故報爾以福祿使其來如幾

其多如法

孔氏曰如期不遲晚也如法豐足不乏少也

爾禮容莊敬

以安以角

至此式禮莫愆皆是

故報爾以衆善之極使爾無一事而不得

乎此

此字即指極而言之極訓為至則至極而無以復加者也脩身而得身脩之極齊家治國而得

家齊國治之極推之其餘莫不皆然所謂無一事而不得乎此也非神所賜何以若是

各隨其

事而報之以其類也

福祿以報飲食之芳潔衆善之極以報禮容之莊敬各隨其事

而報之也但極之所在即福之所在極又可以兼乎福矣

少牢嘏詞曰皇尸命工

祝承致多福無疆于女

音汝

孝孫

鄭錄注曰承猶傳也

來女孝孫

注云來讀曰釐釐賜也即所謂承而致之也

使女受祿于天宜稼于田眉

壽萬年勿替引之此大夫之禮也

公卿大夫其禮皆然故引以為證

特牲主人獻尸尸酢主人遂嘏主人此章自主人獻尸時言之而述祝嘏之詞如此

○禮儀既備

叶滿北反

鐘鼓既戒

叶訖力反

孝孫徂位

叶力八反

工祝

致告

叶古得反

神具醉止皇尸載起鼓鐘送尸神保聿歸諸

宰君婦廢徹

直列反

不遲諸父兄弟備言燕私

叶息夷反

賦也戒告也

告以當奏送尸之樂宜預備也輯錄輔氏曰禮儀既備言其禮之無不舉也鐘

鼓既成言其樂之無不奏也如此則祭事以畢矣

俎位祭事既畢主人往阼

階上西面之位也致告祝傳尸意告利成於主人言

孝子之利養

去聲

成畢也

主人出立于阼階上西而祝出西階東面告利成利訓為

順成訓為畢言孝子之順養禮畢也

於是神醉而尸起送尸而神歸矣

神無形尸與神為節度送尸則神歸矣輯錄少牢曰告利成畢祝入主人降立于阼階東西而尸遂出于

廟門外

曰皇尸者尊稱之也鼓鐘者尸出入奏肆夏也

先既戒之至此乃奏之

鬼神無形言其醉而歸者誠敬之至如

見之也諸宰家宰非一人之稱也廢去

上聲也

輯錄箋諸宰徹

去諸饌君婦  
籩豆而已

不遲以疾為敬亦不留神惠之意也祭

畢既歸賓客之俎同姓則留與之燕以盡私恩

祭則燕於

寢惟同姓得以昭穆序異姓賓客不可與燕故歸其俎

所以尊賓客親骨肉也

禮畢而送尸則徹俎而行燕私之禮此章自祭畢時言之

○樂具入奏

叶音族

以綏後祿爾殽既將莫怨具慶

叶祛羊反

既醉既飽

叶補苟反

小大稽首神嗜飲食使君壽考

叶去九反孔

惠孔時維其盡

叶子忍反

之子子孫孫勿替

天帝反

引之

賦也凡廟之制前廟以奉神後寢以藏衣冠

輯錄通釋曰廟

及寢皆南向廟屋五架中架以南通謂之堂以北則分其東為房西為室此大夫之制也室有戶牖戶東而牖西牖之內為奧神位所在也房之東室之西近南各有廂爾雅所謂室有東西廂曰廟者是也廟之後別為寢以藏祖宗之遺衣冠祭時則授尸以服之其寢如廟之制而無東西廂爾雅所謂室無東西廂曰寢者是也

祭於廟而燕於寢故於此將燕而祭時之樂皆入奏於寢也

輯錄疏燕祭不得同樂而云皆入者歌詠雖異樂器則同故皆入也

於祭既受祿矣故以燕為將受後祿而綏之也

祭祀獲成

已為受祿燕飲喜樂又為後祿受而綏之者若受之於彼而置之於此使安固也

爾殽既進

與燕之人無有怨者

此言小者即前章之諸父兄弟也燕私舉而人心和悅如

此而皆歡慶醉飽稽首

輯錄頭拜至地

而言曰向者之祭神

既嗜君之飲食矣是以使君壽考也又言君之祭祀

甚順甚時

順者順於理時者適其時

無所不盡

董氏曰內盡志外盡物

子子

孫孫當不廢而引長之也

祭而格神則一身宜受其福祭而盡禮則子孫當守

其規此與燕者所以祝主人也○此章以燕私之事言之而述與燕者之慶詞如此

楚茨六章章十二句

增釋許氏曰此詩意趣宏博辭氣縱逸語緒參差非它詩

比讀之茫然不知其際久之始見端倪蓋一章謂勤於稼穡所入者盛得以為祭祀之具二章言牲體之潔三章言俎豆之盛又皆言神享而降福四章祝致神語五章送神而起六章燕宗

族之端卒章宗族  
燕而祝君壽福也

呂氏曰楚茨極言祭祀所以事神受福之節致  
詳致備所以推明先王致力於民者盡則致力

於神者詳

此本序說故  
以先王言

觀其威儀之盛物品之

豐所以交神明逮羣下至於受福無疆者非德

盛政脩何以致之

韋錄朱子曰此下諸篇在小  
雅而非天子之詩故知其為

公卿之事蓋畿  
內之諸侯也

信彼南山維禹甸

田見反叶  
徒鄰反

之昀昀

音

原隰曾孫田

叶



反因

之我疆我理南東其畝

叶滿彼反

賦也南山終南山也甸治也昀昀墾辟

音貌墾耕其

地闢除其萊以成柔田也

曾孫主祭者之稱曾重

平聲也

自曾祖以

至無窮皆得稱之也疆者為之大界也理者定其溝

塗也

大界猶十里之成萬夫之川是也十夫有溝百夫有塗視澮川道路則為小

畝壟

音隴

也長樂劉氏曰其遂東入于溝則其畝南矣其遂南

入于溝則其畝東矣

周禮百畝為夫夫間有遂九夫為井井間有溝凡遂在田首愚

按如此則遂在井之內溝在井之外田首者水之來處也畝以防水土則當卑下之處地之大勢東南下故

欲水自西而東則為畝在水之南欲水自北而南則為畝在水之東也然高下相因無定勢舉東南則西北可推故專於下文言順其地勢○此詩大指與楚水勢之所宜則知不可執一論也

茨略同此即其篇首四句之意也

輯錄輔氏曰此詩亦是詩人述公卿

有田祿者力於農事以奉宗廟之祭也

言信乎此南山者本禹之所治

輯錄通釋曰禹平水土大舜美其功曰地平天成萬世永賴今考於詩尤信也其見於小雅則有此詩大雅則曰豐水東注維禹之績又曰奕奕梁山維禹甸之魯頌則曰績禹之緒商頌則曰禹敷下土方又曰設都于禹之績可以見禹功之在人心可以見人心之知所本也

故其原隰墾闢而

我得田之於是為之疆理而順其地勢水勢之所宜

或南其畝或東其畝也

畝畝原隰可見甸之事我疆我理即是田之事

○上天同雲雨

于付反

雪雰雰

數云反

益之以霤

亡革反

霖

音木

既優既渥

叶烏谷反

既霑既足生我百穀

賦也同雲雲一色也將雪之候如此雰雰雪貌霤霖

小雨貌優渥霑足皆饒洽之意也冬有積雪春而益

之以小雨潤澤則饒洽矣

雨雪以時斂藏發育得其正故能生我百穀也○田

之辟者禹之功穀之生者天所賜於篇首二章述之不忘本也

○疆場

音亦

翼翼黍稷或或

於六反叶于逼反

曾孫之穡以為酒

食界

必寐反

我尸賓壽考萬年

叶泥因反

賦也場畔也翼翼整飭貌或或茂盛貌界與也

邱氏曰與

尸謂獻熟食并酌齊獻尸是也與賓謂助祭之賓酌齊獻尸尸因酌以酢賓并祭畢燕同姓於寢也祭禮始終用酒食之事如此○言其田整飭而穀茂盛者皆曾孫之

穡也於是以為酒食而獻之於尸及賓客也

輯錄通釋曰三

獻尸之後主人亦有獻賓之禮

陰陽和萬物遂

此連上章而言冬雪春雨則陰陽和矣泰

稷生長則萬物遂矣

而人心歡悅以奉宗廟則神降之福故壽

考萬年也

此章言地利充斥穡事大成則祭祀之禮莫非至情而神降之福可必矣○此章第

一句承首章之意第  
二句承二章之意

○中田有廬疆場有瓜

叶攻反

是剥是菹

側居反

獻之皇祖

曾孫壽考

叶孔反

受天之祜

侯古反

賦也中田田中也菹酢

音醋

菜也祜福也

○一井之田

其中百畝為公田內以二十畝分八家為廬舍以便

田事

輯錄疏廬舍在內貴人也公田次之重公也私田在外賤私也

於畔上種瓜以

盡地利瓜成剝削淹漬以為菹而獻皇祖貴四時之

異物順孝子之心也

地無遺利祭無遺禮於此可知但菹不止於瓜舉此以為例爾

○祭以清酒從以騂

息營反

牡享于祖考

叶去反

執其鸞刀

以啟其毛取其血膋

音聊叶音勞

賦也清酒清潔之酒鬱鬯之屬也

輯錄鬱鬯者禮家以為釀秬為酒麴

鬱金香草和之其氣芬芳而條暢也

騂赤色周所尚也祭禮先以鬱鬯

灌地求神於陰

輯錄董氏曰酒以灌地降神取其馨香下達

然後迎牲執

者主人親執也鸞刀刀有鈴也

輯錄疏刀環有鈴其聲中節

膋脂

膏也啟其毛以告純也取其血以告殺也

牲必騂色故告純牲

必特殺故告殺

取其膋以升臭也合

古音反

之黍稷實之於蕭

而燔之以求神於陽也

腎必以蕭裹之蕭香蒿也乃以火燒之合其馨香之氣是

升臭也

記曰周人尚臭灌用鬯臭

句鬱合鬯

句臭陰達

於淵泉灌以圭璋用玉氣也

輯錄陳氏曰灌之禮以圭璋為瓚之柄用玉之

氣亦是尚臭也

既灌然後迎牲致陰氣也蕭合黍稷臭陽達

於墻屋故既奠然後燬

音藝

蕭合羶

馨同

薌

香同凡祭慎諸

此

輯錄陳氏曰既奠謂薦熟之時蓋堂上事尸禮畢延尸於戶內而薦之熟祝先酌酒奠於銅羹之南

而尸猶未入蕭脂黍稷之燒正此時也馨香即黍稷也此天子諸侯之禮

魂氣歸于天形

魄歸于地故祭求諸陰陽之義也

輯錄朱子曰天地陰陽之氣交合始

成人氣便是魂精便是魄到得將死熱氣上出所謂  
魂升下體漸冷所謂魄降所以祭祀燎以求諸陽灌  
以求諸陰也問祖先已死以何而求曰只是以我之  
氣承接其氣便是有求底道理古人於祭祀極重直  
是要求而得之商人求諸陽便先作樂發散即陽氣  
以求之周人求諸陰便焚燎鬱鬯以陰去求之又曰  
如言殂落殂升也是魂之遊落是魄之降祭  
求諸陽所以求其魂求諸陰所以求其魄

○是烝是享

叶虛良反

苾苾芬芬祀事孔明

叶謨郎反

先祖是皇

報以介福萬壽無疆

賦也烝進也

承上章牲酒言以此而烝以此而享則飲食芳潔而祭祀明備矣

或曰

冬祭名



# 信南山六章章六句

一章二章三章共一意以黍稷為主故以壽考萬年結之

四章自是一意以瓜為主故以受天之祐結之  
五章六章又共一意以牲酒為主故以萬壽無疆結之但畀尸賓獻皇祖皆擬議於其前至烝享苾芬而祀事始成也○增釋吳師道曰一章疆理修二章雨雪時三章黍稷盛四章菜菹具五章犧牲備六章祀事成嘗細推之首章疆理修起下章種植也二章雨雪起下章有年也三章疆場翼翼者首章修壑之績黍稷或或者二章種植之功也此是足上二章之意黍稷既成可為酒食以畀尸賓舉祭之始終言之也四章承上章言田中有黍稷則以為酒食疆場有瓜則以為菹而獻皇祖也然曰畀尸獻者必供此用將進之辭也五章首言祭是祭之時矣雖主言犧牲而詳及灌鬯燭蕭氣臭迎牲之事併酒

黍稷在其中矣卒章又總第三章以下之意是  
烝是享總畀獻享言也必必芬芬總諸物氣臭  
言也前言獻之皇祖享于祖考故此言先祖是  
皇也前言壽考萬年曾孫壽考受天之祐故此  
言報以介福  
萬壽無疆也

倬

陟角反

彼甫田

叶地反

歲取十千

叶倉新反

我取其陳食

音嗣我

農人自古有年

叶泥因反

今適南畝

叶滿彼反

或耘或耔

音子叶獎里反

黍稷薿薿

魚起反

攸介攸止烝我髦士

音毛

鉅里反

賦也倬明貌甫大也十千謂一成之田地方十里為

田九萬畝

輯錄井十為通通十為成

而以其萬畝為公田蓋九一

之法也我食祿主祭之人也陳舊粟也農人私百畝

而養

去聲

公田者也有年豐年也適往也耘除草也耜

雖本也

去聲 難即壅字 本根也

蓋后稷為田一畝三畝

凡畝之長竟畝

一畝為三畝一夫百畝則三百畝也

廣尺深尺而播種

上聲於其中苗葉

以上

以已通以上猶言既長也

稍耨

奴豆反 鉏也

壅草因壅其土以附

苗根壅盡畎平則根深而能

音耐

風與旱也

壅愈水反 漢書作隤

孔疏作壅壅埒也猶培也 附根即難本也能即耐字

藟茂盛貌介大

攸介攸止 舒曠之地

可止息之處也 蒸進髦俊也俊士秀民也古者士出於農而

工商不與

去聲

焉管仲曰農之子恒為農野處而不暱

其秀民之能為士者必足賴也即謂此也

出管子小匡篇本作

樸野而不暱此與呂氏詩記之文同與本文小異蓋市井工商之子習為狎暱為農之子處鄙朴之地敦本尚實其中若有穎拔之人可以為士則厚重謹恪能勝重任而足為上所倚賴矣集傳引此以明髦士即秀民也輯錄輔氏曰言農夫而終之以髦士所以重農也○此詩述公卿有田

祿者力於農事以奉方社田祖之祭

輯錄輔氏曰楚茨信南山二詩

皆是述公卿有田祿者力於農事以奉其宗廟之祭故首皆推言昔人墾闢之力而我得以耕治以奉祭祀之意甫田之詩乃述公卿有田祿者力於農事以奉方社田祖之祭故首言有年之多與蓄積之富以

見於神不可不報之意

故言於此大田歲取萬畝之入以為祿

食及其積之久而有餘則又存其新而散其舊以食

音嗣

農人補不足助不給也蓋以自古有年是以陳陳

相因所積如此然其用之之節又合宜而有序如此

所以粟雖甚多而無紅腐不可食之患也

輯錄通釋曰歲取萬

畝之入取之有常也積粟有餘而能散以周農則用之合宜也於有餘之中必散舊而存新則用之有序也存新散舊而無紅腐之患又見其不至於暴棄天物也又言自古既有年矣今

適南畝農人方且或耘或耔而其黍稷又已茂盛則

是又將復

去聲

有年矣故於其所美大止息之處

輯錄何伯

善曰美大就黍稷言之止息就農人言之其說與疏義不同未知然否

進我髦士而勞

去聲之也

南畝即甫田之間髦士即農人之秀者慰勉之意不可人人曉之惟可與言者與之言庶

幾達於衆也此章言其力於農事如此

○以我齊

音明

叶謨郎反

與我犧羊以社以方我田既臧農

夫之慶

叶祛羊反

琴瑟擊鼓以御

牙嫁反

田祖以祈甘雨以介

我稷黍以穀我士女

賦也齊與粢同曲禮曰明粢

輯錄陳氏曰明則足以交神

此

言齊明便文以協韻耳犧羊純色之羊也

輯錄疏社為陰祀其

犧用純黑色其方祀各以其方之色也

社后土也以句

音龍氏配輯錄

者五土之神能生萬物者以古之有大功者配之共工氏之霸九州也其子曰后土能平九州故祀以為社左傳共工氏有子曰句龍為后土后土土官之名也死以為社神而祭之故曰句龍為后土後轉為社故世人謂社為后土后土者地之大名也○增釋許氏曰疏意謂后土有二名同實異社則祭五土之神而以句龍配非祭大地也

方秋祭四方報成萬物

萬物既成報其賜也

所謂羅弊

句

致禽以祀祊是也

祊即方字羅網也弊止也以網捕獸獸盡

而網止則獻所獲之禽以祭四方之神也蓋秋獮之禮如此

臧善慶福御迎也田

祖先嗇也謂始耕田者即神農也

輯錄疏若神農始教造田謂之田祖

先為稼穡謂之先嗇神其農業謂之神農名殊而實同也○增釋許氏曰禮記注先嗇若神農者疏若是

不定之辭以神農比擬故云若種曰稼歛曰嗇不云稼穡云嗇者取其成功收斂若嗇而祭也歛去聲

周禮籥章凡國祈年于田祖則吹豳雅擊土鼓以樂

田畯是也

增釋許氏曰此傳田畯與經三章田畯不同傳以神言經以人言也豳詩說詳見豳

風總穀養也又曰善也言倉廩實而知禮節也

輯錄王肅

本管子牧民篇語

○言奉其齋

音盛盛在器曰盛

犧牲以祭方

社而曰我田之所以善者非我之所能致也乃賴農



夫之福而致之耳

神以豐年之福賜農人我則因農人而受福也

又作樂以

祭田祖而祈雨庶有以大其稷黍而養其民人也

因報

成而知有賴於民者如此則又當祈年而為農夫計矣是蓋一時之祭而報祈之意具焉者也○此章言

其奉方社田祖之祭如此輯錄胡氏曰此章分兩節農夫之慶以上秋報也琴瑟擊鼓以下又是春祈也

解頤曰齊明犧羊禮之盛也禮以備物故於報成之祭言之琴瑟擊鼓樂之盛也樂以達和故於祈年之

祭言之上言方社而不及田祖因方社以見田祖也下言田祖而不及方社舉田祖以見方社也上言農

夫之慶歸其功於民也下言穀我士女溥其惠於下也

○魯孫來止以其婦子

叶獎反 饁

彼南畝

叶滿反 田畯

俊音

至喜攘

如羊反

其左右

叶羽反

嘗其旨否

叶補美反

禾易

以鼓反

長畝

同

終善且有

叶羽反

曾孫不怒農夫克敏

叶母鄙反

賦也曾孫主祭者之稱非獨宗廟為然曲禮外事曰

曾孫其侯其

輯錄陳氏曰先儒以外事為治兵然巡狩朝聘盟會之類皆外事也武王

禱名山大川曰有道曾孫周王發

輯錄見武成篇

是也饁餉

攘取旨美易治長竟有多敏疾也○曾孫之來適見

農夫之婦子來饁耘者於是與之偕至其所而田畯

亦至而喜之乃取其左右之饋而嘗其旨否言其上

下相親之甚也

輯錄謝氏曰攘其左右者所取非一夫之餉也或取諸左或取諸右嘗其

肯否者所嘗非止一夫之餉也何者為甘美何者為不甘美無不知也一以知田家之苦樂一以見官民

之相親也既又見其禾之易治竟畝如一而知其終當善

而且多是以曾孫不怒

輯錄解頤曰曾孫之來以省耕為職者也田畯之至以勸

農為職者也於田畯曰喜於而其農夫益以敏於其

事也

此申首章之意也自曾孫來止至當其肯否皆適南畝之事易治竟畝即耘耔之事農夫克敏

則髦士能體勸農之意也

○魯孫之稼如茨

才私反

如梁曾孫之庾

羊主反

如坻

直基反

如京

叶居良反

乃求千斯倉乃求萬斯箱黍稷稻粱農夫之

慶

叶祛羊反

報以介福萬壽無疆

賦也茨屋蓋言其密比

毗至反

也

輯錄疏謂以茅覆屋言其積聚高大如屋

茨梁車梁言其穹隆也坻水中之高地也京高丘也

箱車箱也○此言收成之後禾稼既多則求倉以處

之求車以載之而言凡此黍稷稻粱皆賴農夫之慶

而得之是宜報以大福使之萬壽無疆也其歸美於

下而欲厚報之如此

此申二章之意也千倉萬箱以上發我田既臧一句報以介福

則介稷黍穀  
士女之云也

甫田四章章十句

此詩以自古有年一句為大旨  
夫萬畝之入未嘗取盈而有陳

可取以食農人者以自古有年故也黍稷薿薿  
則又將有年矣烝我髦士必謂有年相繼則取  
陳食爾又可圖也我田既臧則有年已荐臻矣  
以介稷黍則冀其又有年也至於三章又申首  
章之意四章又申二章之意  
則所以祈有年者愈無窮矣

大田多稼既種

章勇反

既戒既備乃事

叶上止反

以我覃耜

音瑛耜

叶養里反

俶載南畝

叶滿彼反

播厥百穀

叶工洛反

既庭且碩

叶常約反

曾

孫是若

賦也種擇其種也戒飭其具也

修耒耜具田器

覃利俶始載

事庭直

直則茂拳曲則生不遂矣

碩大若順也○蘇氏曰田大而

種多故於今歲之冬具來歲之種戒來歲之事凡既

備矣然後事之

事事皆備然後事其事

取其利耜而始事於南

畝

輯錄輔氏曰王氏謂畝大抵以南為正故每日既南畝不知何所據但南乃陽明之方故多言之

耕而播之其耕之也勤而種之也時故其生者皆直

而大以順曾孫之所欲

農夫勤敏而得黍稷茂盛如此用之以順曾孫之所欲也

蓋曾孫之所欲者豐年而已故用力致此黍稷以順之

此詩為農夫之詞以頌

美其上若以答前篇之意也

輯錄解頤曰大田多稼總言其事以發端也既

種既戒善其備於往歲也既備乃事致其力於今歲也  
以我覃耜利其器也俶載南畝耕之勤也播厥百穀種之時也既庭且碩生之盛也凡此皆以順魯孫之所欲也

○既方既皂

叶子苟反

既堅既好

叶許苟反

不稂

音郎

不莠

餘久反

去

起呂反

其螟

莫延反

螣

音特

及其蝱

莫侯反

賊無害我田穉

音雉

田

祖有神秉畀炎火

叶虎委反

賦也方房也謂孚田始生而未合時也

曰孚曰甲皆粟皮也劉氏

曰穀粒之生必先有房甲而後充實也輯錄房謂實米生於中若人之房舍甲者以在米外若鎧甲也實

未堅者曰阜

方始秀也阜始實也堅好則實而成矣

稂童梁

輯錄說文作節禾粟

之穗生而不成者

莠似苗皆害苗之草也

輯錄害苗分其土力

食心曰

螟食葉曰螣食根曰蠹食節曰賊皆害苗之蟲也

輯錄

害苗賊其根株

穉幼禾也

輯錄疏蟲災禾穉者偏甚

○言其苗既盛矣

輯錄

鄭氏曰盡生房矣盡成實矣盡堅熟矣盡齊好矣而無狼莠擇種之善民力之專時氣之和所致之又

必去

上聲

此四蟲然後可以無害田中之禾然非人力

所及也故願田祖之神為

去聲

我持此四蟲而付之炎

火之中也

去狼莠在人去蟲蝗神故有望於田祖如此

姚崇遣使

去聲捕蝗



引此為證夜中設火火邊掘坑且焚且瘞

音意

蓋古之

遺法如此

開元四年

○有渰

於檢反

萋萋

七西反

興雨祁祁雨

于付反

我公田遂及

我私

叶意夷反

彼有不穫穰此有不斂

力檢反

穰

才計反

彼有遺

秉此有滯穗伊寡婦之利

賦也渰雲興貌萋萋盛貌祁祁徐也雲欲盛盛則多

雨雨欲徐徐則入土公田者方里而井井九百畝其

中為公田八家皆私百畝而同養公田也穰束秉把

也滯亦遺棄之意也

輯錄呂氏詩記稱謂穗之低小刈獲之所不及者稱謂刈而遺

忘束縛之所不及者秉謂束而輦載之所不盡者滯謂成而折亂秉獲之所不逮者

○言農夫

之心先公後私故望此雲雨而曰天其雨我公田而遂及我之私田乎冀怙君德而蒙其餘惠使收成之際彼有不及穫之穉禾此有不及斂之穉束彼有遺棄之禾把此有滯漏之禾穗而寡婦尚得取之以為利也此見其豐成有餘而不盡取又與鰥寡共之既足以為不費之惠而亦不棄於地也不然則粒米狼

戾不殆於輕視天物而慢棄之乎

輔氏曰雨我公田者尊君之義也寡

婦之利者及衆之仁也愚謂至公無私天道也先公後私民情也利及寡婦則民之情亦至公而無私矣蓋天無心故生物之功溥民有心故尊君上恤窮民無不用其極也此皆當時願望之意

○曾孫來止以其婦子饁彼南畝

子畝並見前篇

田畯至喜來

方禋

音因

祀

叶逸織反

以其騂黑與其黍稷以享以祀

同上以介

景福

叶筆力反

賦也精意以享謂之禋

來方禋祀來祭四方也語倒如此

○農夫相

告曰曾孫來矣於是與其婦子饁彼南畝之穫者而

田峻亦至而喜之也

此四句與甫田同但彼則君上勸農而見農夫之勤此則農夫

相勸以慰君上之心一為耘籽之時一為收斂之時也

曾孫之來又禋祀四方

之神而賽禱焉

賽者報豐年禱者祈景福

四方各用其方色之牲

此言騂黑舉南北以見其餘也

輯錄呂東萊曰南方用騂北方用黑孔氏

所謂略舉二方以為韻句是也

以介景福農夫欲曾孫之受福也

增釋

吳師道曰此詩為農夫之詞以頌美其上而亦有稱曾孫可以見俗之質厚而上下親愛之誠

大田四章二章章八句二章章九句

一章地廣而能盡耕種之

功二章苗盛而願除蟲蝗之害三章則願得豐年而望雲雨四章則已得豐年而舉報祈

前篇有擊鼓以御田祖之文故或疑此楚茨信

南山甫田大田四篇即為豳雅其詳見於豳風

之末亦未知其是否也

輯錄朱子曰楚茨以下四篇即豳雅反覆讀之

其辭氣與七月載芟良耜等篇大抵相類斷無可疑

然前篇上之人以我

田既臧為農夫之慶而欲報之以介福此篇農

夫以雨我公田遂及我私而欲其享祀以介景

福上下之情所以相賴而相報者如此非盛德

其孰能之

輯錄輔氏曰上之欲報其下者如此則是君以民為體也下之欲報其上

者如此則是民以君為心也上下之情相類  
以為一則君之德固厚而民之德亦厚也

瞻彼洛矣維水泱泱

於良反無韻未詳

君子至止福祿如茨如𦵿

音昧 韜

音閤

有奭

許力反

以作六師

賦也洛水名在東都會諸侯之處也

輯錄問洛水或云兩處朱子曰

此只就洛邑言之

泱泱深廣也君子指天子也茨積也𦵿茅

蒐所染色也

輯錄茅蒐茹蘆也古謂之茅蒐今謂之蒿草亦作菁一名地血一名牛蔓染絳

之草也說文云茅蒐染草一入為𦵿

韜韜也合

古音反

韜為之

輯錄疏是蔽膝之衣

周官所謂韜弁兵事之服也

輯錄韜弁詳見六月常服注

奭赤貌

作猶起也六師六軍也天子六軍

輯錄按周禮鄉大夫每鄉卿一人六

鄉六卿平居無事則各掌其鄉之政教禁令而屬於大司徒有事出征則各率其鄉之萬二千五百人而屬於大司馬所謂軍將皆命卿者是也此天子會諸侯于東都以講武

事而諸侯美天子之詩言天子至此洛水之上御戎

服而起六師也

御戎服起六師尊大威嚴如此以福祿所集而然也故福祿如茨在鉢

作師之上○此章專美今日之事

○瞻彼洛矣維水泱泱君子至止輶

補項反

琫

必孔反

有珌

賓一君子萬年保其家室

反

賦也鞞容刀之鞞今刀鞞

音笑

也琫上飾琕下飾亦戎

服也

服飾如此尊臨天下福祿盛矣且將長受福祿保有天下而不失也鞞錄毛氏曰天子玉琫而

琕琕諸侯璽琕而璆琕璆音遙璽音蕩璆音求孔氏曰璆璉甲也黃金謂之璽

○瞻彼洛矣維水泱泱君子至止福祿既同君子萬年

保其家邦

叶卜工反

賦也同猶聚也

福祿既同已盛矣萬年保家邦又將及其久也此二章既美之又祝之蓋

上章申誅詒有夷之意而致其祝此章申福祿如茨之意而致其祝天子以天下為家故以家邦家室言

瞻彼洛矣三章章六句

鞞錄朱子曰詩多有酬酢應答之篇瞻彼洛矣是臣



歸美其君君子指君也當時朝會於洛水之上而臣祝其君如此裳裳者華又是君報其臣桑

扈駕驚

皆然

裳裳者華其葉湑

思呂反

兮我覲之子我心寫

叶想與反

兮我

心寫兮是以有譽處兮

興也裳裳猶堂堂董氏曰古本作常常棣也湑盛貌

覲見處安也○此天子美諸侯之辭蓋以答瞻彼洛

矣也言裳裳者華則其葉湑然而美盛矣我覲之子

則其心傾寫而悅樂之矣

此以可喜之物為喜見諸侯之興也見裳華之葉湑

然已心喜况得見此  
賢諸侯乎喜可知矣

夫能使見者悅樂之如此

此釋重言

寫兮則其有譽處宜矣

譽處安樂也既能獲乎上斯宜有其樂

此章與

蓼蕭首章文勢全相似

文勢相似意則不同彼以露在蓼蕭為興而兼言上下之

樂此則只以裳華之葉潛然為興故專美人臣能得君心而有其樂也合二章集傳觀之可見

○裳裳者華芸其黃矣我觀之子維其有章矣維其有

章矣是以有慶

叶墟羊反

矣

興也芸黃盛也

裳華之芸黃亦有文章然之意故以為興

章文章也有

文章斯有福慶矣

文章者德之見於容貌者也積中英華發外交際之頃不愆于和順

儀則上得於君而獲福必然矣  
上章之譽處即此章之福慶也

○裳裳者華或黃或白

叶僕各反

我覲之子乘其四駱乘其

四駱六轡沃若

興也言其車馬威儀之盛

裳華之色不穠而之子之馬則其色穠也此反其意

以為興也○美其文章則有根於中者美其車服則有所以稱其服者二章皆不顯言而自可見我心寫

兮之故也

○左

叶祖反

之左

同上

之君子宜

叶牛何反

之右

叶羽已反

之右

同上

君子有

叶羽已反

之維其有

同上

之是以似

叶養里反

之

賦也言其才全德備以左之則無所不宜以右之則

無所不有

此有字是有之於外

維其有之於內是以形之於外

者無不似其所有也

左之宜右之有人見其然而不知夫體無不具是以用無不周

也此則因其所設施而推其所蘊蓄顯顯言之以深見我心寫兮之故也

裳裳者華四章章六句

北山之什十篇四十六章三百三十四句

詩經疏義會通卷十三